

春秋左氏傳地名補注一





春秋左氏傳地名補注

(一)

沈欽韓撰

# 春秋左氏傳地名補注卷第一

清 吳沈欽韓文起注

隱公

<sup>元</sup>年〔經〕盟于蔑 一統志。姑蔑故城。在兗州府泗水縣東。括地志。縣東四十五里。

克段于鄆 方輿紀要。鄆陵城。在開封府鄆陵縣西南四十里。杜注。鄭在滎陽宛陵縣。宛乃苑之省文。宛陵城在開封府新鄭縣東北三十八里。鄭國都在縣西北。寰宇記。鄆城在宋州柘城縣北二十九里。鄭克段之地疑遠。

盟于宿 一統志。無鹽故城。在東平州東二十里。春秋宿國。

〔傳〕城郎 一統志。郎城。在兗州府魚臺縣東北八十里。

娶于申 方輿紀要。申城。在南陽府北二十里。括地志。南陽縣北二十里。

制巖邑也 水經注。成臯縣之故城在任上。綦帶任阜。絕岸峻周。高四十許丈。城張翕嶮崎而不平。卽東

皷也。一統志。在開封府汜水縣西北。元和志。汜水縣古東皷國。

請京 方輿紀要。京城。在鄭州滎陽縣東南三十里。

至于廩延。一統志、酸棗故城。在衛輝府延津縣北十五里。按水經注、河水又東逕滑臺城北。城卽故鄭廩延也。據文廩延卽今滑縣。唐之滑州。漢晉爲白馬縣。杜預謂酸棗縣之延津。非也。元和志、滑州西南至鄭州三百里。太叔段所侵之界如此。

城穎。水經注、洧水南有鄭莊公望母臺。史記正義、疑許州臨穎縣是也。

穎谷封人。水經注、穎水所出。一統志、穎谷在河南府登封縣西南。

紀人伐夷。山東通志、紀本在東漢贛榆。後遷劇。亦稱紀城。有臺高九尺。俗曰紀臺城。旁有劇南城。青州府志、紀臺城在壽光縣東南三十里。一統志、北武城在萊州府卽墨縣西六十里。古夷國。注、在城陽莊武縣。莊當作壯。

敗宋師于黃。漢志、山陽郡有黃縣。王應麟地理通釋、春申君傳正義、故黃城在曹州考城縣東二十四里。此河南之黃城也。按此卽山陽之黃。惠公敗宋師宜在此。不當遠在陳留之外黃。開封府杞縣東有外黃城。考城今屬歸德府。

盟于翼。彙纂云、翼在今山東兗州府費縣西南。費縣今屬沂州府。

二〔經〕公會戎于潛。一統志、戎城在曹州府荷澤縣西南。紀年、厲王十一年、西戎入于犬丘。犬丘漢爲太丘。在歸德府永城縣西北三十里。

莒人入向。于欽齋乘。今沂州西南一百里有向城鎮。方輿紀要。春秋向之名四見。杜預解爲二地。承縣在今嶧縣境內。龍亢。今鳳陽府懷遠縣。寰宇記。在莒州南。按樂史時未有莒州說皆未核。惟沂州之向城爲近之。蓋向

先爲國。後并于莒。而或屬莒。或屬魯。以攝乎大國間也。按莒亦小。去沂州尙遠。南至沂州二百二十里知向國非沂州之向城鎮也。寰宇記。向城在密州莒縣南七十五里。當從之。

入極。賈逵云。極。戎邑也。晉書地道志。高平湖陸縣西有極亭。紀要。在兗州府魚臺縣西。

盟于唐。紀要。武唐亭。在魚臺縣東北二十里。

盟于密。一統志。密鄉故城。在萊州府昌邑縣東南十五里。卽此密。

〔傳〕費序父。方輿紀要。費亭。在魚臺縣西南。

〔經〕盟于石門。一統志。石門。在濟南府長清縣西南。今圯于河。又云。石門在泰安府平陰縣北。水經

注。濟北盧縣故城西南六十里有故石門。去水三百步。

〔傳〕帥師取溫之麥。方輿紀要。溫城。在懷慶府溫縣西南三十里。周畿內國。

尋盧之盟也。方輿紀要。盧城。在長清縣西南。一統志無西二十五里。

債于濟。方輿紀要。大清河在長清縣西南二十里。自平陰縣流入境。又東北入齊河縣界。卽濟水也。鄭

伯之車債于濟。蓋在縣界。元和志。劉公橋架濟水。在鄆州盧縣東二十七里。又北去齊州長清縣十里。胡

渭禹貢雖指濟水自東平以下。唐人謂之清河。宋南渡後。又有大小之分。齊乘以大清河爲古濟水。小清河爲劉豫所創。黃子鴻以大清河卽漯。其小清河所行爲濟水故道。齊召南水道提綱。舊濟水會汶于安民亭。今東平州西南十里安山鎮卽古亭也。會汶以下東北流。今經東阿、平陰、長清、齊河。然後會灤水。歷城以東至章丘。今自歷城西南溯東平。其道又爲大清河所經。大清河汶水支津於東平州東六十里之戴村壩下。潛出西流。依故道曰沙河。小清河源出章丘縣東南分水嶺東麓。北流俗曰獼河。自章丘東北至樂安入海。爲古濟水故道。是大小清河皆古濟水故道。其委輸則異。接流正同。黃子鴻所說非也。

四年〔經〕取牟婁 一統志牟城在青州府壽光縣東北二十里。婁鄉城在諸城縣西南四十里。索隱云。春秋時杞已遷東國。故牟婁爲杞之別邑。按杜預以爲杞卽都淳于。然州公之國尙未亡。杞何由得都。僖十四年杞爲淮夷所病。乃遷緣陵。則齊之東境。淮夷在徐方。若杞先都淳于。無由爲淮夷所病。蓋杞此時尙在雍丘。此莒人伐杞。乃紀之誤。孔疏謂淳于雍丘地別而境連。此尤孟浪不知方員者矣。

遇于清 水經注。濟水自魚山北逕清亭。東京相璠曰。東阿東北四十里有故清亭。卽春秋之清也。是下濟水通得清水之目。按今在泰安府東阿縣西北。

于濮 索隱。賈逵云。濮陳地。按濮水首受河。又受汴。汴亦受河。東北至鉅野入濟。則濮在魯衛之間。賈言陳地非也。據地理志。陳留封丘縣濮水受濟。當言陳留水。按水經注。濮水一出封丘縣者。首受濟。別出酸

棗縣者。首受河。方輿紀要。濮水在大名府開州南六十里。此受河之濮也。又濮渠在開封府封丘縣西南。此受沛之濮也。今黃河遷決。濮水絕流。賈杜言陳地水。謬矣。劉敞曰。杜氏云。未列于會。故不稱。若。是篡弑之人。已會諸侯。則無咎矣。是豈王法哉。

<sup>五</sup>〔經〕于棠。水經注。濟水篇。荷水又東。逕武棠亭北。城有臺高二丈許。其下臨水。昔魯侯觀魚于棠。在方輿縣故城北十里。然彼祇就杜說。唐與棠自爲二地。唐亭在魯境內。地亦非遠。寰宇記。棠水在宋州楚丘縣北四十五里。從單州成武縣入界。南行五里合泡溝。卽此棠也。

園長葛。漢志注。應劭曰。長社。宋之長葛也。其社中樹暴長。因更名長社。方輿紀要。長社故城在許州長葛縣西一里。

〔傳〕邢人伐翼。元和志。故翼城在絳州翼城縣東南十五里。故邢國。今邢州城內西南隅小城是也。方輿紀要。襄國城在順德府邢臺縣城西南。春秋初邢侯都于此。考翼城在平陽府翼城縣東南。翼侯奔隨。一統志。隨城在汾州府介休縣東。後爲士會食邑。

侵衛牧。續漢志。衛公國有河牧城。水經注。浮水故瀆東。逕河牧城。方輿紀要。在東昌府觀城縣境。今屬曹州府

邨人。水經注。瓠河之北有邨都城。隱五年。邨侵衛。京相璠曰。東郡廩丘縣南三十里有邨都故城。按漢志。邨都作城都。不云邨國。一統志。成縣故城在兗州府寧陽縣北。本周時邨國。然統志依仿杜氏剛父縣

西南之文。剛父即亢父。漢屬東平國。在濟寧州。在寧陽東北者。乃孟氏邑。非邾國。統志所引成縣。乃泰山郡之肥成縣。續志誤脫肥字。劉昭注因而附會。不知肥成云本國。乃承前

志應劭云肥子國之文也。傳謬已久矣。詳見後漢書疏證。山東通志。邾國城在兗州府汶上縣西北二十餘里。今名古邾集。又邾都城在

曹州府濮州南六十里。邾伯初封之國。又子羔所宰。乃孟氏成邑。在寧陽東北境。舊志多誤引。

六〔經〕盟于艾。齊乘。艾山在沂州西三十里。寰宇記。艾山一名臨樂山。在沂州新泰縣東北三十里。新泰縣今屬泰安府。

〔傳〕納諸郢。一統志。郢城在吉州鄉寧縣南一里。今之郢侯故壘。

七〔經〕滕侯卒。漢志。沛郡公丘縣。故滕國。今兗州府滕縣。

城中丘。一統志。中丘城在沂州府蘭山縣東北三十一里。

凡伯。方輿紀要。凡城在衛輝府輝縣西南二十里。

楚丘。杜預云。楚丘衛地。非也。此為曹楚丘。水經注亦誤以成武之楚丘為衛文公所居。程公說春秋分

記曰。戎州己氏邑。在今拱州楚丘縣。九城志。楚丘屬應天府。輿地廣記。崇寧四年分屬拱州。戎蓋昆吾之後。別在夷狄。周東入于此。天

王使凡伯聘魯。由雒邑道楚丘至仙源。九城志。大中祥符五年。改曲阜縣為仙源。逮其歸。戎乃要而伐之。楚丘在河南。宜為周

魯往來之地。以其逼近宋都。故漢晉屬梁國。按漢己氏縣屬梁國。後漢改屬濟陰郡。晉屬濟陽郡。杜預誤以此為即僖二年。衛所城

之邑。水經注亦以此為衛文公徙居。文公所徙在漣之南。衛地在河北。凡伯安有踰河北道衛而南使于



魯耶輿地廣記今楚丘縣有景山京岡乃後人附會名之耳。缺韓按漢志云山陽郡成武縣有楚丘。桓公所城遷衛于此其隄實始于班氏也。方輿紀要楚丘城在曹州曹縣東南四十里。衛之楚丘在衛輝府滑縣東六十里。

八（經）遇于垂。魏世家無忌謂魏王曰。文臺墜。垂都焚。徐廣曰。句陽有垂。水經注。瓠瀆東逕垂亭。京相

璠曰。句陽縣小成陽東五里。方輿紀要。句陽城在今曹州曹縣三十里。

歸昉。一統志。費縣故城在今沂州府費縣西北二十里。劉宋移縣理昉城。卽古昉邑也。紀要。昉城今費縣治。

盟于瓦屋。彙纂云。今開封府洧川縣南二十里瓦屋里。是其地。按一統志。瓦屋頭集在大名府清豐縣

東三十五里。或謂盟于瓦屋卽此。名勝志。瓦屋頭在開州西南。紀要。瓦岡在滑縣東。水經注。濮渠東逕滑臺城南。又東

南逕瓦亭南。當是此瓦屋。杜預謂周地非也。

盟于浮來。齊乘。浮來山在莒州西三十里。明公鼎云。據水經注。沂水東逕蓋縣故城南。又東逕浮來之

山。浮來水注之。春秋。公及莒人盟于浮來者也。又曰。大峴水東南流逕邳鄉東。東南注于沭。鄆氏所紀。則

邳鄉爲峴山水所經。其去峴山非遠。正沂水縣西北之境。況沂水下流。不由莒地。若如齊乘言浮來在莒

西三十里。去沂水甚遠。水經注安得浮來水注沂乎。後世不識浮來所在。遂以莒城西山當之耳。

〔傳〕易許田 寰宇記魯城在許州潁昌縣南四十里。鄭伯易許田。卽此城也。

會于溫盟于瓦屋。名勝志東昌府觀城縣南三十里有瓦屋城。隱八年會于瓦屋者也。紀要云溫在河內。則瓦屋不在東郡明矣。以爲寰宇記之誤。欽譚按寰宇記無此條。蓋名勝志上文引寰宇記。因誤爲連文也。

〔經〕于防 杜預云在華縣。一統志華縣故城在沂州府費縣東北六十里。

〔經〕取郟 一統志郟城故城在曹州府城武縣東南十八里。古郟國。漢屬山陽郡。取防。方輿紀要防城在兗州府金鄉縣西六十里。

伐戴 水經注汴水東逕濟陽考城縣。周之采邑。于春秋爲戴國。按考城今屬歸德。乾隆四十八年移治黃河北岸。屬衛輝府。戴說文作戴。釋文作載。卽戴之誤。

〔傳〕盟于鄧 與桓公十年會于鄧。同非魯地。

于老桃 續志任城國任城縣有桃聚。紀要桃鄉城在濟寧州東北六十里。

〔經〕于時來 水經注濟水又東南逕釐城東。春秋公會鄭伯于時來。左傳所謂釐也。京相璠曰。釐陽縣東四十里。一統志在開封府滎澤縣東。

〔傳〕我先封 續志魯國薛縣。注地道記曰夏車正奚仲所封。一統志薛縣故城在兗州府滕縣南四十

四里

王取鄆劉 續志、河南緱氏縣有鄆聚。前志、緱氏縣劉聚。周大夫劉子邑。一統志、鄆聚在河南府偃師縣西南。劉聚在故緱氏城南十五里。三面臨澗甚險。按此蓋鄭武公以來入為卿士食采邑于周者也。詩譜、岐邦、周召之地為周公旦召公奭之采地。周公封魯、召公封燕。元子世之。其次子亦世守采地。在王官。春秋時周公召公是也。尚書大傳、古者諸侯始受封則有采地。百里諸侯以三十里。七十里諸侯以二十里。五十里諸侯以十五里。其後子孫有辜黜其采地。不黜使其子孫賢者守之。以祠其始受封之人。按此諸侯即詩所錫之土田附庸也。經師述古各異耳。詩傳、諸侯入為天子卿士受采祿。王制云、天子之縣內諸侯祿也。鄭注、選賢置之于位。如諸侯不得世疏云、言諸侯祿者得采國為祿而不繼世。故下云大夫不世爵。此謂畿內公卿大夫之子得食父故之國采邑之地不得繼父為公卿大夫。故經直云祿也。按文言不世爵則世祿可知。白虎通、諸侯入為公卿大夫得食兩家采。此通包內外諸侯皆世其采矣。莊公之世亦為卿士及身而奪之。故君子譏之也。

鷲邗 紀要、邗城在懷慶府城西北三十里。彙纂云、鷲當在今偃師孟縣之間。

溫原絺樊隰邨 一統志、溫縣故城在懷慶府溫縣西南三十里。亦曰蘇城。原城在濟源縣西北。紀要、西北十五里。

今名 絺城在河內縣西南。紀要、付邈城在府西南三十二里。本名絺城。樊城在武涉縣西南。隰城在武涉縣西南十五里。紀要、期

城在府城四十里。故  
隰城也。今名覆背村。

攢茅向盟州陘懷 一統志攢城在修武縣西北二十里。地理通釋。攢茅今爲大陸郡。按正義引括地志有茅亭。在懷州獲嘉縣東北二十里。則攢茅本兩邑。而

杜預誤并爲一也。向城在濟源縣南。寰宇記。向城在孟州河陽縣西北二十五里。孟津在孟縣南十八里。寰宇記。孟津爲蘇忿生邑。州縣故城在河內縣

東南。紀要。武德成在府東南五十里。本周之州邑。隰城在衛輝府獲嘉縣西北。紀要。隰城在修武縣西北。懷縣故城在武陟縣西十里。按杜預

缺陘地理通釋汾陘之塞山海經有少陘之山太平御覽謂在滎陽一統志以爲此陘然去南陽之地絕

遠非也寰宇記太行陘在河內縣西北三十五里連山中斷曰陘述征記曰太行山始于河內北至幽州

有八陘第一軹關陘今在濟源縣西十一里第二太行陘第三白陘此兩陘今在河內蓋此陘也又陘邢

聲同懷慶府志平皋城在溫縣東二十里邢城在平皋東北隅方輿紀要平皋城在府城東南七十里入

溫縣界一名邢丘。

息侯 一統志新息故城在光州息縣東古息國。

使營菟裘 元和志菟裘故城在兗州府泗水縣北五十里山東通志縣西十五里。

狐壤 續志潁川潁陰縣有狐宗鄉潁陰故城在開封府禹州東南四十里。

桓公

元〔經〕假許田 詩傳許魯西鄙晏子雜篇景公伐魯傅許得東門無澤卽此許也。

二〔經〕會于鄧。水經注：醴水東逕鄧縣故城南，左入汝，汝水又東南流，逕鄧城西。桓二年會于鄧者也。一統志：鄧城在許州府鄧城縣東南三十五里。賈服並以鄧爲國，言蔡鄭會于鄧之國都。按傳言始懼楚，鄧國在南陽，逼楚境尤切，故兩國至其都結謀。當從賈服也。許州之鄧是隱十年所盟之地。

〔傳〕遷九鼎於洛邑。逸書克殷解，乃命南宮百達，史佚遷九鼎三巫。注云：三巫地名。按度邑解，我南望過于三塗，三巫卽三塗，是武王遷鼎雒邑也。

始懼楚也。寰宇記以爲楚史所言郢者卽荊州北紀南城也。盛弘之荊州記云：昭王十年，吳通漳水灌紀南，入赤湖，進灌郢城，遂破楚。則是前攻紀南而後破郢也。史記索隱：楚都郢，今江陵北紀南城是。平王更城郢，今江陵東北故郢城是。

以條之役。後漢書西羌傳：宣王三十八年，伐條戎。紀年：王師及晉穆侯伐條戎，奔戎王師敗逋。按條卽鳴條。湯與桀戰處。馬端臨輿地考：河中府安邑縣西有鳴條陌。方輿紀要：鳴條岡在解州安邑縣北三十里。

千畝之戰。紀年：宣王三十九年，王師伐姜戎，戰于千畝。王師敗逋。元和志：千畝原在晉州。今爲平陽府岳陽縣北九十里。周迴四十里。按續志：太原郡介休縣亦有千畝聚。顧云：穆侯時晉境不得至介休。

于曲沃。水經注：涑水又西南逕左邑縣故城南，故曲沃也。一統志：左邑故城今絳州聞喜縣治。按續志

注。曲沃在聞喜縣東北數里。

涇庭之田 元和志。涇庭故城在絳州曲沃縣。縣今屬平陽府西北二十里。曲沃武公伐翼次于涇庭是。

〔經〕于嬴 一統志。嬴縣故城在秦安府萊蕪縣西北四十里。

皆命于蒲 一統志。故蒲城今大名府長垣縣治。

于謹 說文作鄗。水經注。蛇水又西南逕夏暉城南。公會齊侯于下謹是也。今俗謂之夏暉城。一統志。下

謹城在秦安府肥城縣西南。

〔傳〕汾隰 下溼曰隰。晉世家作汾芴。韓世家。秦拔我涇城汾芴。方輿紀要。汾水南逕平陽府城西。及襄

陵縣太平縣之東。又南逕曲沃縣西境。折而西。逕絳州。又西歷稷山縣河津縣。南至滎河縣北而入于大河。

芮伯 一統志。芮城在同州朝邑縣南。

出居于魏 方輿紀要。河北城在解州芮城縣東北七里。一名魏城。故魏國城也。古芮城在縣西三十里。

商時芮伯封此。春秋芮伯萬爲母所逐。出居于魏。謂卽此城。今名鄭邨。

〔經〕城祝丘 齊乘。卽丘故城在沂州東南五十里。一統志。卽丘故城在沂州府蘭山縣東南。春秋曰

祝丘。

〔傳〕淳于公 方輿紀要淳于城在青州府安丘縣東北三十里

六〔經〕公會紀侯于成 乾隆府廳州縣志成城在兗州府寧陽縣東北九十里魯成邑按寧陽縣志舊曰故成社今并太平爲一社曰太古社

〔傳〕侵隨 續志南陽隨縣故隨國今德安府隨州

廢二山 具敖也一統志敖山在沂州府蒙陰縣西北三十五里具山在蒙陰縣東北十五里

七〔經〕焚咸丘 水經注黃水東逕咸亭北桓七年焚咸丘者也一統志咸亭在曹州府鉅野縣南

穀伯綏 元和志襄州穀城縣春秋時穀國今縣北十五里故穀城是也今屬襄陽府

八〔傳〕沈鹿 彙纂今湖廣安陸府鍾祥縣東六十里有鹿湖池深不可測蓋其地也

黃隨 一統志黃國故城在光州西十二里

漢淮之間 一統志楚子城在德安府隨州東紀要隨州東南三十里桓八年伐隨因築此城以逼之

九〔傳〕巴子 華陽國志武王既克殷以其宗姬封于巴爵之以子古者遠國雖大爵不過子故吳楚及

巴皆曰子一統志江州故城在重慶府巴縣西本巴國

鄧人 方輿紀要鄧城在襄陽府東北十二里

梁伯荀侯賈伯 方輿紀要少梁城在同州韓城縣南二十二里周梁國水經注汾水又西逕荀城東又

西南逕長修縣故城南。在今絳州界。一統志：荀城在絳州西十五里。紀年：芮城人乘京。荀人重伯皆叛。曲沃桓王十三年。曲沃滅荀。以其地賜大夫原氏黯。是爲荀叔。宋次道長安志：賈城在蒲城縣西南十八里。蒲城今屬同州府。唐書世系表：賈氏。唐叔虞少子公明。康王封之於賈。爲賈伯。河東臨汾有賈鄉。卽其地也。

十一年〔經〕于桃丘。水經注：馬頰水又逕桃城東。卽桃丘矣。名勝志：桃丘在東阿縣安平鎮東十八里。今爲桃城鋪。鋪旁一丘。高可數仞。東阿今屬泰安府。

〔傳〕出奔共池。一統志：共池在解州平陸縣西四十里。與聞田相距百步。

十一年〔經〕于惡曹。惡曹蓋烏巢之異文。在今衛輝府延津縣東南。

于夫鍾。杜預云：郟地。今兗州府汶上縣界有夫鍾里。

于闕。一統志：闕城在兗州府汶上縣南旺湖中。

〔傳〕鄆人軍於蒲騷。一統志：鄆城在安陸府沔陽縣境。按古鄆國。括地志：元和志。並以爲在安州。今德安府

元和志云：安州。春秋時鄆國。水經注：以安陸縣爲古鄆城。而竟陵雲杜亦以爲古鄆國。諸說互異。元和志：故浮城縣。後魏

置在安州應城縣西北三十五里。卽古蒲騷城。應城縣今屬德安府。

貳軫。文獻通考：貳軫。較地闕。路史國名紀：貳在隨州南。軫國在楚東南。彙纂云：貳在隨州應山縣境。軫在今應城縣西。恐涉附會也。



統州 彙纂統在鄖陽府西北。方輿紀要州陵城在荊州府縣東三十里。故州國杜預以蓼爲南陽之蓼。誤也。昭二十九年傳作麇。非此蓼也。前志六安蓼故國。皋陶後。一統志在光州固始縣東北。與潁州府霍丘縣接界。古蓼國。今有蓼城岡。在縣東北七十里。

次于郊郢 方輿紀要紀南城在荊州府北十里。卽故郢城。按楚世家文王熊貲立始都郢。武王時猶都丹陽。今荊州府枝江縣。郢在其所都之郊。故曰郊郢。

<sup>十二</sup>年〔經〕盟于曲池 續志劉昭注地道記臨淄縣西南門曰曲池門。其側有池。非也。一統志嶮河在兗州府曲阜縣東北五十里。寰宇記縣北四十二里源出九龍山。東南流入洙水。其谿澗險隘。卽此曲池也。今其水常流不絕。

于穀丘 方輿紀要穀丘在歸德府商丘縣南四十里。桓十二年盟于穀丘是也。寰宇記穀丘在宋州穀熟縣南二百步。

于虛 一統志衛輝府延津縣東南有故虛城。按蘇代所云決宿胥之口魏無虛頓丘者也。

于武父 一統志武父城在大名府東明縣西南。

〔傳〕干涉于彭 水經注沔水南逕筑陽縣東。筑水注之。杜預以爲彭水。水出梁州新城郡魏昌縣界。一統志筑水源出鄖陽府房縣西。古名彭水。方輿紀要魏昌城在房縣西南。

羅人。水經注：夷水歷宜城西山，東南逕羅川城，故羅國也。又江水篇：枝江地，故羅國。蓋羅徙也。羅故居宜城西山，楚文王又徙之于長沙。今羅縣是矣。方輿紀要：羅縣城在岳州府平江縣南三十里。最後徙者也。按此年之羅，尚在襄陽府宜城縣。一統志：羅川城在宜城縣西南二十里。

<sup>十三</sup>〔傳〕使賴人。方輿紀要：賴亭在光州商城縣南。春秋時賴國。按杜預所指，乃今德安府隨州北四

十里之厲山。山下有厲鄉。水經注：澤水。澗水分爲二水，一水西逕厲鄉南，亦云賴鄉，故賴國也。有神農社

此與杜說合。據續志：汝南郡褒信侯國，有賴亭，則今光州商城縣南是也。

及鄢。水經注：夷水，導源中盧縣界康狼山，山與荆山相鄰。又謂之鄢水。方輿紀要：蠻水，源出鄖陽府房

縣界，逕南漳縣，至宜城縣南四十里。地名破河腦，入于漢江。本名鄢水，亦曰夷水。齊召南水道提綱：蠻河

西北自襄陽府南漳縣合歇馬清涼二河，東南流注漢水。

廬戎。一統志：中廬故城在襄陽府西南，古廬戎也。

荒谷治父。太平御覽：地理部。盛弘之荊州記曰：荒谷，今竹林是也。水經注：湖水東逕荒谷，東有治父城。一

統志：治父城在荊州府江陵縣東南。

<sup>十四</sup>〔傳〕取牛首。水經注：沙水沙讀。又東南逕牛首亭東。宋人伐鄭取牛首者也。俗謂之車牛城。寰宇

記：牛首城在開封府陳留縣西南十一里。

十五年〔經〕于艾。方輿紀要：艾山在青州府蒙陰縣今屬泰安府西北一百二十里。與沂水縣接界。一統志：艾

山在徐州府邳州東一百里。接沂州府界。

牟人葛人。通典：登州東牟郡。春秋牟子國。杜預以爲泰山之牟縣。方輿紀要：牟城在泰安州萊蕪縣東二十里。葛城在歸德府寧陵縣北十五里。古葛伯國。然疑此葛亦泰山旁小國也。

于櫟。水經注：王隱云：陽翟本櫟也。一統志：陽翟故城今許州府禹治。禹州今仍屬開封府。

于襄。一統志：襄亭在鳳陽府宿州西。

十六年〔經〕城向。按此冬城向。實是十月。唐厯志：大衍日度議曰：以歲差推之。周初霜降。日在心五度。角亢晨見。立冬火見營室中。後七日水星昏正。可以與板幹。故祖沖之以爲定之方中。直營室八度。是歲九月六日霜降。二十一日立冬。十月之時。水星昏正。故傳以爲得時。杜氏據晉厯小雪後定星乃中。季秋城向以爲太早。引詩云定之方中。乃未正中之時。非是。

〔傳〕使盜待諸莘。水經注：溧水又北絕莘道城西北。有莘亭。京相璠曰：今平原陽平縣北十里。有故莘亭。扼限蹊要。自衛適齊之道也。元和志：莘亭在魏州莘縣北十三里。山東通志：在東昌府莘縣北八里。十七年〔經〕于黃。方輿紀要：黃城在東昌府冠縣南。括地志：冠氏南有黃城。亦以黃溝爲名。或是登州府黃縣東南有故黃城其處。

于奚 彙纂今兗州府滕縣南奚公山下有奚邑。水經注夏車正奚仲之國。按水經注只云泲水西逕薛縣故城北。地理志曰夏車正奚仲之國無奚邑之目。

十八

〔經〕于灤

水經注灤水出歷城縣故城西南。泉源上奮水涌若輪。春秋桓公十八年公會齊侯于

灤是也。北爲大明湖。方輿紀要小清河在濟南府城北。卽灤水也。按水道提綱云趵突泉水出濟南府西南。自城之西北來會于大清河。小清河出章丘縣東南分水嶺東麓。不逕歷城。知灤水非小清河也。曾鞏集齊州二堂記云自渴馬崖以北至於歷城之西。蓋五十里而有泉涌出。高或至數尺。曰趵突之泉。泉冬溫。泉旁之蔬甲。經冬常榮。故又謂之溫泉。其注而北則謂之灤水。達于清河以入于海。

于首止 方輿紀要首鄉在歸德府睢州東南。

# 春秋左氏傳地名補注卷第二

莊公

元〔經〕紀邾鄆郡 一統志，餅縣故城在青州府臨朐縣東北。按紀要列餅城于安邱縣。云此餅城在安丘縣東南。亦作邾。又作駢。費駢邑。

三百 郟城故城在安丘縣西南六十里。紀要西南嶧山北營亭在萊州府昌邑縣西。即古鄆邑。鄆營同音。紀要一名

縣西北十五里。又十五里爲鄆城。名勝志。瓦亭社。在縣西二十里。是鄆邑故址。

二〔經〕伐於餘丘。公穀皆以爲邾邑。吳澄曰：於發語辭。猶曰於越。

三〔經〕以鄆入于齊。一統志，鄆邑在青州府臨淄東。水經注：汝水東北流逕東安平縣故城南。城故鄆

亭也。劉賈謂紀季以鄆奔齊。不言叛。不能專鄆也。元儒鄭玉曰：不曰以鄆叛。亦不曰以鄆奔。所以恕季而

罪齊。然非褒季也。

公次于滑。彙纂：今河南歸德府有滑亭。

四〔傳〕梁澆。水經注：澆水出隨縣西北黃山。南過厥西縣西。一統志：澆水在德安府隨州西北。今名扶

恭河。按紀要：澆水在州西三十里。厥水名扶恭河。恭河。元和志：隨州唐城縣水下澆鎮。

五〔經〕邾黎來。于欽齊乘。邾城在緡城南。土人云小灰城。即小邾之訛也。兗州府志：邾城在滕縣東一

里梁水之東周八里。

<sup>七</sup>年〔經〕于穀。方輿紀要、穀城。今東平州東阿縣治。亦曰小穀。

<sup>八</sup>年〔傳〕戊葵丘。水經注系水又西逕葵丘北。元和志、葵丘在青州臨淄縣西北二十里。按京相璠疑此

爲近。雜引汾陰葵丘及山陽西北葵城。然考續志、河內郡山陽縣有葵城。劉昭云、蔡叔所封。水經注引作

鄒城。又引汲郡古文、梁惠成王元年趙韓伐我葵。卽此城。則此葵字誤爲蔡。劉昭不學。因以封上蔡之蔡

當之也。然汾陰今蒲州府榮河縣。山陽今懷慶府修武縣。西北皆與齊地阻絕。故酈氏定從臨淄之葵丘。

姑棼。方輿紀要、薄姑城。在青州府博興縣東北十五里。或以爲姑棼卽薄姑。

貝丘。水經注、澠水西歷貝丘。京相璠曰、在齊城西北四十里。括地志、西北二十五里。齊乘、在益都府博興縣南五里。按今青州府博

興縣南貝中聚是也。應劭誤以爲清河之貝丘縣。

雍廩。史記齊世家作雍林。以爲地名。按齊西門曰雍門。襄十八年傳、晉伐齊、伐雍門之萩。其處有林矣。

水經注、時水北逕西安縣故城南。本渠丘。齊大夫離廩邑。

<sup>九</sup>年〔經〕盟于莒。一統志、莒亭在兗州府嶧縣東。故繒城北。公穀並作暨。知莒暨通。

乾時。水經注、時水又西逕高苑縣故城南。京相璠曰、今樂安博昌縣南界。有時水。西通濟。其源上出般

陽。北至高苑。下有死時中。無水。魯師敗處。方輿紀要、時水在青州府臨淄縣西南二十五里。其地名矮槐。

樹舊置郵亭于此。平地出泉，謂之形源。淺易涸，亦名乾時。其水黑，俗又謂之烏河。齊乘：時水之源，南近淄水。詳其地形水脈，蓋伏溜所發。水道提綱：烏河上流，卽古時水也。出臨淄西南愚公山，西北至高苑東境，入小清河。

凌洙 水經注：洙水出泰山蓋縣臨樂山北，西南流至卞縣，西南入泗水，又亂流，西南至魯縣東北，分爲二流，北爲洙濱，南卽泗水。孔子設教于洙泗之闕里是也。洙水又南經瑕丘城，下流復入泗。通志：洙水故道自縣東北，經孔林西而入泗。今洙與泗水不通。二流在孔林東，止一溝瀆，過夫子墓前，西南流入于沂。其故道不可考也。

〔傳〕生竇 齊世家作笙瀆。賈逵曰：魯地句瀆也。顧棟高云：在曹州府曹縣東北三十里。此懸以句瀆爲句陽也。

堂阜而脫之 一統志：堂阜在沂州府蒙陰縣西北三十里。齊乘：蒙陰縣西四十里，有磨石峴，長二十餘里，極險峻，峴下卽堂阜。俗誤爲憚阜。釋詁：稅，赦，舍也。郭注：引詩召伯所稅。今本作說釋文，本或作稅。詩傳：說，赦也。釋文：說音稅。知稅說通用。

長勺 山東通志：長勺在兗州府曲阜縣北境。

十〔經〕乘丘 一統志：乘丘故城在兗州府滋陽縣西北。紀要·西北三十五里。又以爲漢濟陰之乘氏縣。乘氏故城

在曹州府鉅野縣西南。按前志乘氏注。應劭曰。敗宋師于乘丘是也。續志劉昭注。亦曰乘氏古乘丘。于莘。彙纂。莘在今汝南府汝陽縣境。

滅譚。一統志。故譚城在濟南府歷城縣東七十里。東平陵故城在縣東七十五里。譚國地。杜注。平陵縣脫東字。譚說文作鄆。

十一〔經〕于鄆。說文。鄆。宋魯間地。

十二〔傳〕于蒙澤。水經注。獲水車逕己氏縣南。東南流逕于蒙澤。十三州志曰。蒙澤在己氏縣東。寰宇

記。蒙澤在宋州宋城縣北三十五里。今歸德府商丘縣

十三〔經〕滅遂。水經注。蛇丘縣東北無城以擬之。今遂城在蛇丘西北。杜預傳疑之。非也。一統志。遂城

在泰安府肥城縣南。彙纂云。兗州府寧陽縣西北三十里有遂鄉。與濟南府肥城縣接界。

盟于柯。方輿紀要。東阿故城在東平州東阿縣西二十五里。東阿縣今屬泰安府春秋時爲齊之柯邑。

十四〔經〕于鄆。一統志。鄆城故城在曹州府濮州東二十里。

〔傳〕及大陵。水經注引京相璠曰。潁州臨潁縣東北二十五里。有故巨陵亭。卽古大陵。一統志。在許州

府臨潁縣北三十里。

十六〔經〕滑伯。方輿紀要。緄氏城在河南府偃師縣南二十里。古滑國。亦曰費滑。費卽滑都。



十八年〔傳〕楚武王克權。一統志、權城在安陸府鍾祥縣西南。按水經注、沔水又東右會權口。出章山。東南流逕權城北。古之權國也。權城當在安陸府荊門州東南。

那處 水經注、權城東南有那口城。方輿紀要、那口城在荊門州東南。

游涌 方輿紀要、涌水在荊州府監利縣東南。夏水支流也。從乾溪中涌出。俗名乾港湖。水經注、涌水自夏水南通于江。謂之涌口。

十九年〔傳〕大敗于津。水經注、枝江縣西三里有津鄉。應劭曰、南卽江陵有津鄉。今則無聞矣。郭仲產云、尋楚禦巴人。枝江是其便塗。此津鄉殆卽其地也。按水經注又云、江陵城南有牧馬城。燕尾洲。始自枚迴。下迄于此。長七十餘里。州上有奉城。故江津長所治。亦曰江津戍。戍南對馬頭岸。北對大岸。謂之江津口。江大自此始也。尋此傳所稱津。正指江津爲通道。不必指一鄉爲名。一統志、江津戍在荊州府江陵縣南二十里。

及湫 一統志、湫城在安陸府鍾祥縣北。顧棟高云、襄陽府宜城縣東南有湫城。

經皇 經皇與窳皇同。詳見宣十四年傳。

燕師伐周 注云、南燕。史記作北燕。然北燕路遠似非。□□元和志、滑州胙城縣。古燕國。漢爲南燕縣。今省入衛輝府延津縣。胙城故城在府東南三十五里。

二十〔傳〕自圍門入。方輿紀要：王城面有三門，凡十二門，南城曰圍門。

闕西辟。釋名：闕在門兩旁，中央闕然爲道也。邵晉涵爾雅正義：闕諸侯設于雉門，是以雉門謂之闕門。天子蓋設于應門。服虔云：西辟，西偏也。按西偏，西塾也。李如圭曰：門之內外，其東西皆有塾，門一而塾四，其外塾南鄉，內塾北鄉也。

虎牢以東。穆天子傳：天子射鳥獵獸于鄭圃，七萃之士高奔戎生捕虎而獻之。天子命之爲柙，畜之東。號是曰虎牢。按今在河南府汜水縣西北。

王宮于珎。彙纂：珎在今河南府澠池縣界。

二十〔傳〕城聚而處之。聚謂其所居之鄉聚，非邑名也。管子乘馬：方六里，命之曰暴。五暴，命之曰部。五部，命之曰聚。聚者有市。前漢平帝紀：張晏曰：聚，邑落名也。後漢書劉平傳注：小於鄉曰聚。杜預於地理遇不可曉者，輒臆斷曰：某邑某地，其誤多矣。方輿紀要：車箱城在絳州絳縣東南十里。志云：晉侯處羣公子之所。城東西形長如車箱而名。按此亦後人之妄造也。

二十〔經〕伐徐。方輿紀要：徐城廢縣，在泗州西北五十里。古徐子國。

二十〔經〕于洮。水經注：今鄆城西南五十里，有姚城，或謂之洮也。方輿紀要：洮城在濮州西南五十里。于城濮。方輿紀要：臨濮城在濮州南七十里，或曰卽古城濮地，亦謂之小濮。

二十八年〔經〕築鄆。水經注：濟水又北逕微鄉東。京相璠曰：公羊傳謂之微。東平壽張縣西北三十里有故

微鄉。一統志：壽張故城在今兗州府壽張縣東南五十里。微鄉今在縣南。蓋云：眉與微古通。特性饋食禮。眉壽萬年。鄭注：古文眉爲微。

〔傳〕大戎。卽大荔之戎也。後漢書西羌傳：洛州有大荔之戎。洛川在唐爲延慶鄜坊四州之地。今延安

慶陽二府及鄜州也。洛水出慶陽府合水縣北二十里白於山。鄜州東南六十里有洛川縣。史記：秦厲公

伐大荔，取其王城。蓋爲秦所滅。漢志誤以馮翊臨晉爲故大荔國。司馬彪劉昭沿誤于後。元和志：大荔國

在今同州朝邑縣東三十步。故王城是也。然不知洛川本在北地郡也。全祖望曰：大荔之戎亦名芮戎。在

北地。而芮伯之國在臨晉。其後大荔滅于秦。種落蓋有居于臨晉者。漢人遂合芮戎芮伯之國而一之。謂

臨晉卽古大荔。是大謬也。

小戎子。蓋後爲陸渾之戎。陸燾曰：據傳云允姓之姦居于瓜州。自惠公始誘以來。則此非允姓。別一戎

而子其姓者也。

驪戎。後漢書西羌傳：渭南有驪戎。水經注：戲水又北逕驪戎城東。長安志：驪戎故城在臨潼縣東二十

四里。殷周時驪戎國城也。按驪戎入居此者。蓋幽王之亂所致。非殷周之舊也。

蒲與二屈。水經注：蒲川水南逕蒲城東。卽重耳所奔之處。又南歷蒲子縣故城西。又曰：羊求水西逕北

屈縣故城南。卽夷吾所奔邑也。汲郡古文曰：魏襄王三十一年。翟章救鄭。次于南屈。應劭曰：有南故有北。

一統志、蒲城在隰州西北。北屈廢縣在吉州東北。紀要、東北二十一里。

及達市。楊銜之洛陽伽藍記、洛陽東面有三門。一門有三道。所謂九達。

桐丘。水經注、洧水自延陵東逕桐丘南。其城南卽長隄。洧水之北防也。一統志、桐丘城在陳州府扶溝

縣二十里。

二十九年〔經〕城諸。一統志、諸縣故城在青州府諸城縣西南三十里。

三十一年〔經〕降鄆。一統志、章縣故城在東平州東六十里。今爲鄆城集。

于魯濟。水經注、濟水東至乘氏縣西分爲二。其一水東南流。其一水從縣東北流。南爲荷水。北爲濟瀆。

東南流者荷水。分濟于定陶東北。又東南逕乘氏縣故城南。又東過昌邑縣北。又東過金鄉縣南。又東

過東緡縣北。又東過方與縣北。又東過湖陸縣南。東入于泗水。按此荷水雖亦兼濟水之名。非春秋所謂

濟也。其東北流者入鉅野澤。逕乘氏縣。與濟渠濮渠合。又北右合淇水。又東北過壽張縣西。界安民亭南。

汶水注之。所謂清口也。又北過須昌縣西。又北過穀城縣西。又北過臨邑縣東。又北逕平陰城西。自穀城

以下皆齊之濟也。胡渭禹貢錐指云、以今輿地言之。自東平會汶以下。東阿、平陰、並屬兗州府長清、齊河、歷城、

章丘、鄒平、長山、新城、並屬濟南府高苑、博興、樂安、並屬青州府諸縣界中皆禹貢濟入海之所經也。

伐山戎。齊語注、山戎今之鮮卑。齊世家、北伐山戎。離支孤竹。管子小問篇、桓公北伐孤竹。未至卑耳之

斃十里。韓非說林上。管仲隰朋從于桓公而伐孤竹。統上論之。皆卽此年之役也。方輿紀要。永平府。春秋時爲山戎肥子二國之地。令支城。在府東北。離支卽令支之譌也。孤竹城。在府南十五里。今古跡已不可考。城或後人所築。而冠以古名云。

三十一年〔經〕築臺于薛。此在魯境內。方輿紀要。薛陵城。在東平州陽穀縣西南。史記齊世家。威王七年。衛伐我。取薛陵。又威王語阿大夫。衛取薛陵。子不知。蓋其地與阿近。按下文築臺于秦例之。莊公侈心遠略。非必滕縣之薛城也。

築臺于秦。水經注。河水又東北逕范縣之秦亭西。春秋書築臺于秦者也。一統志。古秦亭。在曹州府范縣南三里。

三十三年〔經〕城小穀。水經注。濟水側岸有尹卯壘。南去魚山四十餘里。是穀城縣界。故春秋之小穀城。一統志。今泰安府東阿縣治。范寧云。魯地。孫復云。曲阜西北有小穀城。

于梁丘。水經注。菏水東北逕梁丘城西。一統志。梁丘城。在曹州府城武縣東北二十五里。與金鄉縣接界。

〔傳〕有神降于莘。方輿紀要。莘原。在陝州廢硤石縣縣在州東南七十里南十五里。莊三十二年神降于莘。卽此。臨黨氏。寰宇記。莊公臺在兗州府曲阜縣西北二里。賈昌朝羣經音辨云。黨五百家。多莽切。黨氏。諸兩

切。郭忠恕佩觿云：黨氏之黨，音之仰反，與黨字別。

雩。方輿紀要：魯雩壇在曲阜城東南二里，引龜山水爲池。至壇西曰雩水。雩水亦入嶧陽縣，注于泗水。此蓋上年不雨禱雨之祭，不必爲祭天也。

能投蓋于稷門。水經注：引服虔曰：能投千鈞之重過門之上也。劉炫謂投車蓋過于稷門，尤比服義爲長也。而孔氏必欲排之，豈有秉彜之好者。曲阜縣志：稷門，魯南城正門，僖公更名高門。

達泉。一統志：達泉在曲阜縣東南三里，水中石如伏龍怒躍。

閔公

元〔經〕于落姑。彙纂注以爲在東平州平陰縣界，按落姑卽薄姑，聲之緩耳。在青州府博興縣東北十五里。卓爾康曰：是時閔公八歲，哀姜慶父專國，豈欲季友之歸者。時陳方爲齊所厚，季友出奔陳，蓋有所託，則落姑之盟，亦季友援陳人以請于齊桓耳。

滅耿。方輿紀要：耿城在蒲州河津縣南十二里。

滅霍。一統志：霍城在平陽府霍州西南十六里。

滅魏。元和志：故魏城在陝州芮城縣北五里。芮城今屬解州紀要：河北城在縣東北七里。

二〔經〕遷陽。後漢書注：陽都故城在沂州府沂水縣南。應劭曰：陽都故陽國。

〔傳〕于渭汭。水經注：渭水東入于河。春秋之渭汭也。呂忱曰：芮者，水相入也。水會卽船司空所在矣。司空京兆縣引左氏傳作渭隊。服虔曰：隊謂汭也。知左氏古文本作隊。爲杜預所改。程大昌雍錄：渭口在華州。

華陰縣東北三十五里。

及密。水經注：沂水南逕東安縣故城東，而南合時密水。水出時密山。春秋時莒地，共仲及密而死是也。一統志：密如亭在沂州府費縣北。

殺之于夷。列女傳：旣而殺之。按夷非魯地。舊唐書地理志：密州高密縣。武德六年移治故夷安城。方輿紀要：卽今萊州府高密縣也。

戰于熒澤。水經注：旂然水旣斷，民謂其處爲熒澤。狄人屠懿公，弘演報命，納肝處也。按熒澤不當云在河北。禹貢云：入于河，溢爲熒。蓋濟水本在河北，自入河之後，方溢爲熒。熒在河南明矣。元和志：熒澤在鄭州熒澤縣北四里。今濟水亦不復入也。水道提綱：濟瀆源出懷慶府濟源縣西北，與山西垣曲陽城二縣接界之王屋山頂曰天壇，有太乙池，淳泓不流，卽濟源。東數十里出地，東流經濟源縣城北，又東分爲二派。一經柏香鎮之南，東南流入河。南岸爲鞏縣西北境連山一東流逕鎮北，又東曰豬龍河，經府城南境，又東逕溫縣北境，又東南至武陟縣南之澗溝村入河。南岸爲沁水縣東北及河陰縣西北境，河陰之西南爲熒澤，東爲熒陽，自西漢末，不復南溢爲熒矣。歷考諸書，從無言熒在河北者。蓋懿公帥師迎狄，師望風而遁，至河南，狄人追及熒澤，乃盡覆之也。

盧于曹 元和志滑州白馬縣本衛之曹邑今衛輝府滑縣南一十里白馬故城是也。

次于河上 清人序使高克將兵而禦狄于竟疏云衛在河北鄭在河南恐其渡河侵鄭故使高克禦之然葵澤之戰狄已渡河而南也。

清人 詩傳清邑也彭衛之河上郡國志中牟縣有清口水經注清池水東北流逕清陽亭南卽故清人城也今在開封府中牟縣界。

泉落氏 水經注清水出清廉山東流逕泉落城北服虔云赤狄之都也方輿紀要泉落城在絳州垣曲縣西北六十里劉昭引上黨記東山在壺關城東南晉申生所伐今名平泉按劉昭所引是單文孤證當從水經注。

于楚丘 輿地廣記開德府今大名府衛南縣本楚丘衛文公自曹邑徙此按今省入衛輝府滑縣一統志衛南故城在滑縣東六十里。



# 春秋左氏傳地名補注卷第三

僖公

元〔經〕于聶北 一統志、聶城在大名府清豐縣東北。方輿紀要、在縣北十里。志以爲次于聶北救邢。卽此城也。

于夷儀 元和志、故邢國。今邢州城內西南隅小城是也。夷儀故城。今龍岡縣界夷儀故城是也。在縣西一百四十里。愚按邢之遷以遠狄難也。今其所遷仍在順德府邢臺縣境。未遠于狄。豈便爲安。此夷儀實近齊衛之郊。一統志、夷儀城。聊城縣西南十二里。

于榿 水經注、澗水自陳城西北而東流。謂之谷水。東逕澗城北。王隱曰、桀北有谷水是也。桀卽榿矣。杜預謂在陳縣西。非也。榿小城。在陳郡西南。方輿紀要、桀城。蓋在陳州西北。

〔傳〕虛丘之戍將歸者也。服云、虛丘、魯邑。魯有亂。邾使兵戍虛丘。魯與邾無怨。因兵將還。要而敗之。所以惡僖公也。按此與杜預同爲意度。然服是從先師得之。杜則有心立異。學者可以定其從舍矣。彙纂以偃與虛丘在費縣內。亦無可考。

汶陽之田 方輿紀要、汶水出泰安州今爲萊蕪縣東北七十二里原山之南。水經所謂北汶也。蓮河記、

汶水自泰安州經寧陽汶上縣界。又西去東平州。注濟水。此故道也。水道提綱汶水篇。自寧陽西流至東平州東六十里之戴村。又四經州城南至安山湖。合濟水。自明永樂九年尙書宋禮用白茨築以南旺湖當水。按應劭云。水北爲陽。水南爲陰。蓋在今兗州府寧陽縣。曹。于戴村築填。過其入濟。遂西南流八十里至南旺。

北漢置汶陽縣。在曲阜縣東北四十里。非此汶陽也。

及費。一統志。費縣故城。在沂州府費縣西北二十里。

二〔經〕滅下陽。元和志。下陽城。在陝州平陸縣東北二十里。今屬山西解州。盟于貫。水經注。汭水又東逕貫城南。俗謂之薄城。非也。闕駟十三州志。以爲貫城在蒙縣西北。杜云。貫字相似。貫在齊。謂貫澤也。非此矣。一統志。蒙澤故城。在曹州府曹縣南十里。卽古貫地。括地志。貫城。今名蒙澤城。與今歸德府商丘縣接界。

〔傳〕屈產。卽北屈縣。今之吉州。寰宇記。古稱此邑有駿馬。方輿紀要。屈產泉在汾州府石樓縣東南四里。水經注。龍泉出在京城東南道左山下。牧馬川上。多產名駒。亦名屈產泉。

假道于虞。一統志。吳山在解州安邑縣東南三十二里。跨夏縣平陸縣界。一名虞山。一名虞阪。晉假道于虞。卽此路。紀要云。中條山之支阜也。

冀。元呂思誠圖經。冀亭遺址。在蒲州河津縣北十五里。

顛輪。水經注。大陽縣傅巖東北十餘里。卽顛輪阪也。有東西絕澗。左右幽空。窮深地壑。中則築以成道。

指南北之路。謂之爲輪橋也。大陽城。北對長坂二十許里。謂之虞坂。戴延之曰。自上及下。七山相重。元和志。顛輪阪。在陝州平陸縣東北七十里。穆天子傳。天子南登于薄山。寘輪之隘。鄆。寘字記。鄆城在陝州平陸縣東北二十里。紀要。其城周四里。亦謂之鄆塞。三門。元和志。底柱山。俗名三門山。河出其間。有似于門。故亦謂之三門。紀要云。在解州平陸縣東南五十里。

桑田。方輿紀要。稠桑驛。在陝州閩鄉縣東三十里。虢公敗戎于桑田。卽稠桑。

陽穀。一統志。陽穀故城。在兗州府陽穀縣東北三十里。

<sup>四</sup>年〔經〕次于陘。楚世家作陘山。括地志。山在鄭州西南一百十里。方輿紀要。陘山。在開封府新鄭縣南三十里。蘇秦說楚曰。北有陘塞。史記。魏襄王十六年。伐楚。敗之陘山。又秦攻陘。使人馳南陽之地。徐廣曰。陘山絕之名。今自陘山而西南。達於襄鄆。皆羣山綿亘。故昔以陘山爲南北之險塞。按陘山延袤甚廣。注家注陘者不一。徐廣謂密縣有陘山。杜預謂召陵之陘亭。或謂在許州鄆城縣南。皆與傳文進次于陘不合。韓策。秦攻陘。韓因割南陽之地。是陘已近南陽。當在今汝州南。召陵。一統志。召陵故城。在許州府鄆城縣東三十五里。〔傳〕西至于河。此東伯所至之界。蓋自河陽而止。

南至于穆陵。元和志、穆陵山在沂州沂水縣北百九十里。然此言征五侯九伯所至，不應近在封域。黃州麻城縣有穆陵關，在州北二百里。在縣西北一百里。一統志、木陵山在黃州府麻城縣西北九十里。山上有木陵關。木唐書作穆。鄂岳觀察使李道古討蔡州吳元濟，引兵出穆陵關是也。太公所履當在此。復西南則陝右所主，猶唐以襄漢爲山南道矣。于欽齊乘，以益都臨朐縣東南一百里大峴山爲穆陵關，非也。

北至于無棣。通典、滄州鹽山縣。春秋時無棣邑。水經注、清河又東北無棣溝出焉。東逕南皮縣故城南。逕樂陵郡西。東北逕鹽山入海。蓋四履之所也。京相璠曰、舊說無棣在遼西孤竹縣。然管仲以責楚，無棣在此方之爲近。按陝東之伯，盡主東北境諸侯，非謂齊分封之地也。在遼西者得之。今永平府。

方城以爲城。元和志、方城山在唐州方城縣東北五十里。方城縣今南陽府裕州治。此言因山爲城。水經注作萬城，非也。方與万相似而誤。

<sup>五</sup>年〔經〕于首止。一統志、首鄉在歸德府睢州東南。

滅弦。水經注、巴水南流，注于江，謂之巴口。又東逕軹縣故城南。故弦國也。方輿紀要、軹縣城在黃州府蘄水縣西北四十里。故弦子國。弦城在光州西南。

〔傳〕道柏。杜預云、道國在汝南安陽縣南。按漢志、安陽陽安皆屬汝南郡。安陽有江國。江亭。陽安有道。

國道亭。此當作陽安。元和志道城在蔡州。今汝寧府確山縣東北二十里。一統志相亭在汝寧府西平縣西。

號仲號叔。賈逵云。號仲封東號。制是也。號叔封西號。號公是也。韋昭注鄭語同。按隱元年傳。明云號叔

死于制。則號叔爲東號矣。通典。號仲國今陝州平陸縣。元和志。號有三。北號今陝州平陸縣。東號今滎陽

縣。西號在今鳳翔扶風縣。方輿紀要。上陽城在陝州城東南。又號城在鳳翔府城南三十五里。周文王弟

號仲初封此。是爲西號。平王東遷。始徙于上陽。爲北號。或曰非也。蓋號仲之采邑。支子所封。欽韓按秦本

紀。武公十一年。滅小號。富春秋莊公之世。則號仲之封。本在上陽。云隨平王東遷者。非也。元和志。鳳翔府

號縣。周文王弟號叔所封。是曰西號。然號叔封在滎陽。爲鄭所滅。雍地之號。非號叔也。謂支子所封者當

是。

六〔經〕圍新城。水經注。密縣故城。春秋謂之新城。方輿紀要。密城在開封府禹州密縣東南三十里。卽

春秋之新城。

〔傳〕于武城。一統志。武城在南陽府北。一名武延城。元統志。武延城在南陽縣北百里。

七〔經〕寧母。一統志。泥母亭在兗州府魚臺縣東二十里。

八〔傳〕于采桑。水經注。河水逕北屈縣故城南。又南爲采桑津。里克敗狄于采桑是也。寰宇記。古北鄉

城在蒲州寶鼎縣北三十一步汾陰。北鄉城卽采桑津也。按此說非也。一統志。采桑津在吉州鄉寧縣西。

九年〔經〕葵丘 水經注黃溝自城南東逕葵丘下。元和志在曹州考城縣東南一百五十步。考城今屬衛輝府考城

縣志葵丘東南有盟臺。其地名盟臺鄉。按葵丘有四。水經注春秋古地名云葵丘。今鄴西三臺是也。又賈

逵云汾陰澤中方丘卽鄴丘也。三臺在彰德府臨漳縣西二十里。故鄴城內。汾陰睢丘。今蒲州府榮河縣

北十里。皆非此葵丘也。

及高粱 水經注汾水又南逕高粱故城西。紀年晉出公十三年智伯瑤城高粱。一統志高粱城在平陽

府臨汾縣東北。

十三年〔經〕于鹹 續志濮陽有鹹城。或曰古鹹國。一統志鹽國在大名府開州東南六十里。

十四年〔經〕城緣陵 前志注薛瓚以緣陵卽北海之營陵。一統志營陵故城在青州府昌樂縣南。紀要云

縣東南五十里。

遇于防 一統志防山在兗州府曲阜縣東三十里。周八里。高三里。孔子合葬於防是也。鄆縣故城在嶧

縣東八十里。

沙鹿崩 方輿紀要沙麓山在大名府東四十五里。亦名女媧丘。周穆王女叔姁曾居此。

十五年〔經〕于杜丘 山東通志杜丘在東昌府聊城縣東北七十里。僖十五年盟于杜丘。齊語桓公築杜

丘卽此。

次于匡 山東通志、匡城在兗州府魚臺縣十五里鳳凰山北。兩城相對各周四五里。僖公十三年次于匡。卽此。非子畏于匡之匡也。按杜云在長垣者非也。

伐厲 一統志、厲鄉在德安府隨州北。今名厲山店。惠云、厲賴一國。公羊僖十五年釋文云、厲舊音賴。欽按續志、汝南褒信侯國有賴亭。故國今光州殷城縣南賴亭。志以爲古賴國者。水經注、溲水北出大義山。南至厲鄉西。亦云賴鄉。故賴國也。卽今隨州之厲山店。然酈氏以厲鄉爲烈山氏生處。列厲古聲通用。厲又轉爲賴耳。此厲國當從彪志在光州。又歸德府鹿邑縣東亦有賴鄉。史記老子傳作厲鄉。正義云、厲音賴。

于婁林 續志、下邳國徐縣有樓亭。或曰古婁林。一統志、古婁亭在鳳陽府虹縣東北。

戰于韓 元和志、同州韓城縣。春秋戰于韓原。卽此地。一統志、韓原在同州韓城縣西南二十里。方輿紀要、或曰、故韓原當在今河東。今山西芮城縣河北。故城有韓亭。卽秦晉戰處。

〔傳〕號略 水經注、號略在陸渾縣西九十里。按號界當在陝州治之□。不能至陸渾也。

解梁城 元和志、故解城。春秋時解梁城也。在蒲州臨晉縣東南十八里。

舍諸靈臺 長安志、周鄠宮在鄠縣東三十五里。西安府志、鄠宮又東二十五里。鄠靈囿之地。中有靈臺。

瑕呂飴甥 方輿紀要、呂城在霍州西三里。故呂鄉。晉呂甥邑也。杜預云、姓瑕呂。名飴甥。按瑕當爲其采。

邑。晉見有瑕城。呂甥誅後地空。使詹嘉處之。傳于下。皆言呂卻明瑕非姓。

盟于王城。一統志。王城在同州朝邑縣東。按續志。劉昭注。解王城爲大荔戎王之城。按秦本紀。厲共公十六年。壘河旁。以兵二萬伐大荔。取其王城。此謂得戎王所居之城。自在北地。與壘河旁事不相屬。而徐廣就班志之誤文。釋王城爲臨晉。由是益爲經據。方輿家靡不從之。殊不思僖文之時。三見王城。秦晉方強。大荔何從而擅王城之名乎。以爲王城乃周盛時所築下邑耳。

<sup>十六年</sup>〔經〕隕石于宋五。寰宇記。隕石水在宋州宋城縣北。一名漆溝。古老云。此水有時竭涸。五石存焉。

〔傳〕取狐廚。水經注。平陽水東逕狐谷亭北。狄侵晉取狐廚者也。一統志。狐谷亭在平陽府襄陵縣西。及昆都。方輿紀要。平陽府南有昆都聚。

<sup>十七年</sup>〔經〕伐英氏。一統志。古英氏城在六安州英山縣東北。

滅項。寰宇記。項國城在陳州項城縣北一里。

于卞。一統志。卞縣故城在兗州府泗水縣東五十里。

〔傳〕密姬。周語有密康公。韋昭云。密今安定陰密縣是也。康公密君。姬姓。方輿紀要。陰密城在平涼府涇州靈臺縣西五十里。志云。古密國。路史國名紀。盟會圖云。密周圻內國。宣王滅之。蓋今開封府密縣。然二國皆已滅。未審密姬所來國。



十八〔經〕戰于鄆。彙纂云：鄆地在今濟南府歷城縣界。

〔傳〕師于訾婁。元和志：訾婁城在滑州匡城縣西北十八里。滑縣志：在縣西南六十里。命曰新里。一統志：新城在同州澄城縣東北二十里。梁新里也。

十九〔經〕曹南。一統志：曹南山在曹州府曹縣南八里。

〔傳〕次睢之社。續志注引博物記：臨沂縣東界次睢，有大叢社，民謂之食人之社，卽次睢之社。一統志云：在沂州府蘭山縣東北。按水經：睢水入泗謂之睢口，不至沂州也。恐傳說之誤。方輿紀要：睢水至宿遷縣東南而合于泗水。今爲大河經流亦曰睢口，亦曰小河口，則次睢社當在徐州府境。

二十〔經〕郟子來朝。水經注：黃溝又東北逕郟城，十三州志：今城武縣東南有郟城，俗謂之北郟者也。

一統志：郟城故城在曹州府城武縣東南十八里。縣志：郟有二城，此爲北郟城，又南二里曰南郟城。

二十〔經〕于鹿上。一統志：原鹿廢縣在潁州府阜陽縣南。按續志：濟陽乘氏縣有鹿城鄉。水經注：濮水

又東北逕鹿城南。春秋僖公二十一年盟于鹿上。京杜並謂此亭也。然杜預自指汝陰之原鹿，不謂乘氏

也。方輿紀要：鹿城鄉在曹州曹縣東北。

于孟。一統志：孟亭在歸德府睢州界。

盟于薄。一統志：薄縣故城在歸德府商丘縣西北。漢志：山陽郡薄縣。臣瓚曰：湯所都。

〔傳〕任宿須句顓臾。方輿紀要、任城廢縣。今濟寧州治。春秋時任國。宿、見隱元年。須城廢縣。今東平州治。古須句國地。顓臾城。在沂州費縣西北八十里。東南十里曰南武陽城。

二十二年〔經〕戰于泓。寰宇記、泓水在宋州柘城縣西三十五里。金史地理志、睢州柘城縣有泓水。明一統志云、卽渙水支流也。韓非外儲作涿谷。傳寫之誤。

二十三年〔經〕圍緡。水經注、滄水東逕東緡縣故城北。宋之緡也。一統志、東緡故城。在兗州府金鄉縣東北二十三里。

〔傳〕遂取焦夷城頓。一統志、譙縣故城。今潁州府亳州治。春秋陳焦邑。方輿紀要、城父城。在亳州東北七十里。春秋時陳夷邑。水經注、潁水東合谷水。東北逕南頓縣故城南。左傳所謂頓迫于陳而奔楚。自頓南徙。故曰南頓。今其城在頓南三十餘里。今陳州府商水縣治。卽南頓故城。

出于五鹿。按元城之五鹿。當是沙鹿地。誤爲五鹿。司馬彪志云、五鹿墟故沙鹿。水經注于元城縣下。但引漢元后事。證沙鹿崩。而于衛縣下云、浮水故瀆。東逕五鹿之野。晉文公受塊于野人。卽此處。又引京相璠云、今衛縣西北三十里有五鹿城。以別元城之沙鹿。非此五鹿。意甚明曉。顧棟高反主在元城者。非也。方輿紀要、五鹿城。在大名府開州南三十里。

二十四年〔傳〕圍令狐。一統志、令狐城。在蒲州府猗氏縣西十五里。

入桑泉 一統志、桑泉城、在蒲州府臨晉縣東北、臨晉縣北桑泉城、今亭東村南小蓋原是其處、其下爲泉子溝。

取白衰 紀要、白城、在解州西北。

于廬柳 方輿紀要、蒲州猗氏縣北有廬柳城。

軍于郇 杜謂解縣西北、服云、郇國在解縣東、郇瑕氏之墟也、水經注、涑水又西逕郇城、京相璠土地名曰、桑泉曰衰、並在解東南、不言解、明不至解、今解故城東北二十四里有故城、在猗氏故城西北鄉、俗名之爲郇城、服虔之說、賢於杜氏矣、方輿紀要、郇城、在蒲州臨晉縣北十五里。

以田渭濱 韓非難三作惠寶、按赤狄在今潞安府、白狄在今延安府故鄜州境、與渭水皆遠、惠寶或是也。

縣上爲之田 輿地廣記、汾州介休縣有縣上山、今謂之介山、一統志、介山、在汾州府介休縣南四十里、管 方輿紀要、管城廢縣、卽鄭州治、管仲封于此。

毛聘 彙纂、毛在河南府宜陽縣界、王鳴盛曰、毛不詳、惟路史云、毛伯國上邽、籍水旁有毛泉、上邽今甘肅鞏昌府秦州地、一統志、上邽故城、在秦州西南六十里。毛泉見水經注、並不言卽毛伯國、路史或別有據、按水經注、籍水又

東逕毛泉谷水、又東逕上邽故城南、苟可以彷彿古封、則酈氏先言之矣、羅泌不足據也、羅泌又云、京兆

今有聘亭。按史記索隱云。并或作郡。卽那處。今荊門州之那口城也。

雍。續志。河內山陽有雍城。一統志。雍城在懷慶府河內縣東北。

畢原。鄆。元和志。畢原卽京兆府咸陽縣所理。畢公所封卽此地。又畢原在萬年縣西南二十八里。方輿

紀要。畢公高封畢原。在咸陽縣北五里。又云。畢原在涇陽縣南十里。原國卽懷慶府濟源縣之原城。鄆城

在西安府鄆縣東五里。按紀年。成王十九年。王巡狩侯甸。方岳正百官。黜豐侯。御覽七百六十二三禮圖曰。豐

國名也。坐酒亡國。名罰爵以戒酒。崔駰酒箴曰。豐侯沈酒。荷鬯負缶。自戮于世。圖形于後。按其被黜之故。

以酒荒也。

郇。已見前。按邠州又有桐邑。在三水縣東北二十五里。疑郇本國于此。

應。注。襄陽城父縣西南。當作襄城父城縣。傳寫誤也。續志。潁川父城有應鄉。晉書地理志。武帝分潁川

立襄城郡。方輿紀要。應城在汝州寶豐縣東三十里。古應國。

凡蔣。方輿紀要。凡城在衛輝府輝縣西南二十里。周公子凡伯國。一統志。蔣鄉在光州固始縣東。新唐

書世系表。周公第三子伯齡封于蔣。其地光州仙居縣也。

茅胙祭。一統志。茅鄉城在兗州府金鄉縣西南。胙城故城在衛輝府延津縣東北三十五里。路史國名

紀。今管城東北十五里有古祭城。方輿紀要。祭城在鄭州東北十五里。周公第五子所封。後并于鄭。

召穆公 明一統志、召亭在鳳翔府岐山縣西八里、今名召公村。

於諸姬爲近 鄭爲厲王之子、宗姓封國、無近于鄭者、杜預云道近、非也。

甘昭公 水經注、京相璠曰、故甘城在河南城西二十五里、北對河南故城、謂之鑿落城、鑿甘聲近、卽王子帶故邑。

及坎飲 續志注、地道記在鞏縣南。

處于汜 水經注、襄城縣南對汜城、京相璠曰、周襄王居之、故曰襄城、一統志、汜城在開封府汜水縣南三十五里、今名周村、汜水在許州府襄城縣北七里、亦名七里河。



# 春秋左氏傳地名補注卷第四

僖公

二十五年〔傳〕戰于阪泉之兆。史記正義括地志：阪泉今名黃帝泉，在媯州懷戎縣東五十六里。至涿鹿東

北，與涿水合。方輿紀要：媯川在延慶州。

今屬宣化府。

東十五里。志云：卽古之阪泉。太平御覽

七十

歸藏曰：昔皇

帝與蚩尤爭鬪涿鹿之野，將戰，筮于巫咸。巫咸曰：果哉，而有咎。帝王世紀曰：與神農氏戰于阪泉之野，三戰而克之。

于隰城。水經注：沙溝水又東逕隰城北，殺太叔于隰城是也。詳隱十一年。

陽樊。一統志：陽城在懷慶府濟源縣西南。紀要：西南十五里。

始啓南陽。水經注：引馬融曰：晉地起朝歌，以北至中山爲東陽，朝歌以南至軹爲南陽。一統志：南陽城在衛輝府獲嘉縣北，蓋南陽總指河內之地，而一城偶襲其號也。

伐郟。方輿紀要：丹水城在南陽府內鄉縣西南百二十里。去丹水二百步。本古郟國，又爲商密地。

戊商密。水經注：丹水縣有密陽鄉，古商密之地。春秋之三戶矣。紀要：三戶城在內鄉縣西南。

過析隈入。一統志：析縣故城在南陽府內鄉縣西北。按玉篇：隈，水曲也。蓋秦人過析，從丹水曲過師，以

避戍兵之路。紀要有析隈山。在鄧州南七十里。蓋俗人附會。

二十六年〔經〕至鄆。一統志。鬻下聚。在泰安府東阿縣西南。

滅夔。方輿紀要。夔子城。在歸州東二十里。歸州今屬宜昌府名勝志。地名夔沱。

二十八年〔經〕戰于城濮。方輿紀要。臨濮城。在東昌府濮州南七十里。或曰卽古城濮也。

于踐土。一統志。王宮城。在開封府滎澤縣西北。括地志。故王宮在縣西北十五里。王宮城中。城內東北

隅有踐土臺。

〔傳〕自河南濟。方輿紀要。棘津。在衛輝府胙城縣北。今省屬入延津縣。延津今屬衛輝府。河自新鄉縣界流經此。亦謂之石

濟渠。故南澤也。晉還自河南濟。卽此津也。

盟于斂孟。方輿紀要。斂孟聚。在大名府開州東南。

于襄牛。方輿紀要。襄邑廢縣。今睢州治。故宋承匡邑之襄牛地。一統志。襄牛城。在睢州西一里。

登有莘之虛。方輿紀要。莘城。在開封府陳留縣東北三十五里。或曰卽莘墟也。又莘城。在曹州曹縣北

十八里。元和志。古莘仲國也。今爲莘仲集。陳留之莘。去濮彌遠。曹縣之莘墟或近之。

于河陽。一統志。河陽故城。在懷慶府孟縣西三十五里。

至于衡雍。一統志。垣雍城。在懷慶府原武縣西北五里。卽衡雍也。



孟諸之靡。元和志、孟諸澤。在宋州虞城縣西北十里。周迴五十里。俗號盟豬澤。紀要、今歸德府虞城縣西北有孟諸臺。亦故澤地也。

盟于宛濮。水經注、濮渠之側有漆城。亦謂之宛濮亭。一統志、宛濮亭在大名府長垣縣西南。

<sup>二十九年</sup>〔經〕介葛盧來。漢志、黔陬縣。故介國。寰宇記、東陬城在密州諸城縣東北一百十里。古介國也。一

統志、黔陬故城在萊州府膠州西南。

盟于翟泉。按周是時都于王城。漢河南郡之河南縣。故得盟于翟泉。迨敬王遷成周後。卽漢之洛陽。狄

泉在城中。非可爲會盟之地也。水經注、晉永嘉元年。洛陽東北步廣里地陷。有二鵝出。蒼色者飛翔沖天。

白色者止焉。陳留孝廉董養曰。步廣。周之翟泉。盟會之地。今色蒼。胡象矣。後五年。劉曜王彌入洛。陸機洛

陽記曰。步廣里在洛陽城內宮東。是翟泉所在。不得于太倉西南也。

〔傳〕舍于昌衍之上。一統志、昌平城在兗州府曲阜縣東南八十里。按明一統志、昌平山在鄒縣東北

五十里。方輿紀要、山北有昌平鄉。與嶽陽縣接界。按謂之爲衍。則當年昌平山也。

<sup>三十</sup>年〔傳〕秦軍汜南。水經注、宛陵之役。水枝津。東派爲汜水。左傳、秦軍汜南。所謂東汜也。一統志、汜水

在新鄭縣東北。今涸。

燭之武。水經注、<sup>洧水</sup>爲。七里溝水。又南歷燭城西。卽燭之武邑也。當在新鄭縣東南。

許君焦瑕 元和志、焦城在陝州陝縣東北百步。一統志、瑕城在陝州閿鄉縣西。

〔三十一年〕〔經〕帝丘 一統志、濮陽故城本古帝丘在大名府開州西南二十里。

〔傳〕分曹地 水經注、濟水東北逕定陶縣故城南。又東至乘氏縣西。春秋傳、僖公三十一年分曹地于濟。方輿紀要、濟水在曹州府曹縣北三十里。

宿于重館 水經注、潁水東逕重鄉城南。一統志、在兗州府魚臺縣西北十一里。

晉蒐于清原 水經注、汾水西逕清源城北。故清陽亭也。晉侯蒐清原處。一統志、清原城在絳州稷山縣東南。峨帽嶺在縣南四十里。亦曰晉原。亦曰清原。長五十餘里。

相奪子享 紀年、仲康七年。世子相出居商丘。依邳侯。元年戊戌。帝即位。居商丘。續志注、帝王世紀曰、顓頊自窮桑徙商丘。括地志以爲宋州。誤也。寰宇記、濮州顓頊遺墟。古曰帝丘。亦曰商丘。方輿紀要、舊濮陽城東有商丘。蓋帝丘之譌。以此傳證之。知商丘卽帝丘矣。相因衛處其故墟。故求食。

〔三十三年〕〔經〕敗狄于箕 一統志、箕城在太原府太谷縣東二十里。寰宇記、在遼州榆社縣南三十里。杜預云、卻缺稱人者未爲卿。劉炫曰、按傳晉侯親帥先軫死敵。則將帥非卻缺也。稱人者晉諱以微人告。欽韓按、稱人不因卻缺。劉炫規之是也。然敗狄何所用其諱。春秋亦無所用其貶。自是史文略之。

原圃具囿 元和志、圃田澤一名原圃。在鄭州中牟縣西北七里。其澤東西五十里。南北二十六里。中牟縣今

屬開封府淮南地形訓。秦之陽紆。注云。在馮翊池陽。一名具圍。郭璞云。今在扶風汧縣西。按職方氏。雍州澤藪。

曰弦蒲。注。弦蒲在汧。鄭司農云。弦或爲汧。然具圍。陽紆。弦蒲。實一澤耳。高誘謂池陽者誤。方輿紀要。弦蒲藪。在鳳翔府隴州西四十里。

見冀缺耨。水經注。汾水經冀亭南。卽卻缺耨處。方輿紀要。今蒲州河津縣東十五里。有如賓鄉。卽其地也。

命先茅之縣。方輿紀要。茅城。在解州平陸縣東南茅津上。

鄆城之下。元和志。鄆城。在鄭州新鄭縣東北三十二里。

夾泚而軍。泚。漢志及水經注俱作滢。一統志。滢水源出汝州魯山縣西吳大嶺。東逕寶豐縣南。又東入南陽府葉縣北。又東入許州府襄城縣界。入汝水。水道提綱。沙河卽古滢水。俗曰沙水。

文公

元〔經〕會晉侯于戚。清豐縣志。戚城。在縣南三十五里。

〔傳〕伐綿訾及匡。一統志。匡城。在陳州府扶溝縣西。水經注。今陳留長垣縣南有匡城。卽平丘之匡亭也。襄邑又有承匡城。匡居陳衛之間。往往有異邑矣。方輿紀要。在開封府洧川縣東北者。此鄭國之匡城也。

二〔經〕戰于彭衙。一統志、彭衙城在耀州白水縣東北。縣志、今有彭衙堡。在縣東北四十里。于垂隴。水經注、垂隴城、濟瀆出其北。世謂之都尉城。蓋滎陽典農都尉治。故變垂隴之名矣。一統志、在開封府滎陽縣東北。

〔傳〕取汪。方輿紀要、同州白水縣有汪城。一曰汪在澄城縣。

三〔經〕伐沈。水經注、汝水逕平輿縣故城南。舊沈國也。一統志、平輿故城在汝寧府汝陽縣東南六十里。

〔傳〕取王官。水經注、涑水又西逕王官城北。元和志、王官故城在同州澄城縣西北。又云、王官故城在河中府虞鄉縣南二里。又云、在絳州聞喜縣十五里。按虞鄉聞喜地相連。水經注云、在今聞喜縣。秦伯已濟河不當在同州。

及郊。史記作鄆。正義云、鄆音郊。括地志、南郊故城在澄城縣北十七里。又有北郊故城。又有西郊故城。茅津濟。元和志、大陽故關在陝州陝縣西北。卽茅津也。

四〔傳〕闚邠新城。方輿紀要、新城在同州澄城縣東北二十里。按邠卽元里也。在同州府東北。魏世家、文侯十六年、伐秦、築臨晉元里。

同盟滅。續志、汝南安陽縣有江亭。故國。嬴姓。方輿紀要、江城在汝寧府真陽縣東南。江國也。按此則江、

與秦本是同姓。故秦伯矜之過數。同盟猶言宗盟也。

〔傳〕反過寧。韓詩外傳。武王反紂。勒兵于寧。故曰修武。方輿紀要。寧城在懷慶府修武縣東。

〔傳〕改菟于董。水經注。董澤四里。南北三里。古池也。文六年。菟于董。卽此澤。按續志。河東臨汾縣有

董亭。聞喜縣有董池陂。古董澤。鄆氏與劉昭誤合爲一。杜注汾陰。當作臨汾。一統志。董亭在蒲州府滎河

縣東。

使殺諸鄆。

續志注。引博物記曰。河東垣縣東九十里。有鄆鄆之阨。賈季迎公子樂于陳。趙孟殺諸鄆鄆。

按殺諸鄆者。賈季所使之人也。一統志。邵原廢縣。在懷慶府濟源縣西百二十里。古曰鄆。亦曰鄆鄆。亦曰

邵亭。府志。今爲邵原鎮。

〔經〕遂城郛。水經注。泗水西逕卞縣故城南。南有姑蔑城。水出二邑之間。西逕郛城北。山東通志。郛

城在兗州府泗水縣東北。故卞城南。

盟于扈。水經注。河水東北逕卷之扈亭北。文七年。盟于扈者是也。竹書紀年。晉出公十二年。河絕于扈

是也。方輿紀要。扈亭在開封府原武縣西北。

〔傳〕至于劓首。一統志。劓首水在同州郃陽縣東南。按劓當作郃。玉篇。郃。口孤切。秦地。古文苑。後漢衛

敬侯碑陰文曰。城惟解梁。地卽郟首。

及鄆陵。此別一鄆陵。應在城陽。非潁川郡之鄆陵也。顧棟高謂今沂州府沂水縣地。不知何據。

<sup>八</sup>年〔經〕盟于暴。路史。暴辛公采地。在今懷慶府原武縣境。

〔傳〕自申至于虎牢之竟。按申與虎牢皆鄭地。衛之國于帝丘。在東郡濮陽。安得其境至虎牢。傳言歸衛地。遂并及鄭。不言鄭者。以申與虎牢易明也。服虔謂致之于鄭者是。彙纂云。申地當在開封府汜水縣界。

取武城。史記正義。括地志。故武城。一名武平城。在鄭縣東北十三里。華州志。武平城。在州口十七里。<sup>九</sup>年〔傳〕楚子師于狼淵。水經注。潁陰城西南狼陂。南北二十里。東西十里。左傳。師于狼淵。寰宇記。狼溝。在許州長社縣。

克壺丘。水經注。汝水又東南逕壺丘城北。故陳地。一統志。壺丘城。在汝寧府新蔡縣東南。<sup>十</sup>年〔經〕于厥貉。彙纂云。當在陳州項城縣。

〔傳〕取北徵。漢志。左馮翊有徵縣。元和志。同州澄城縣。文十年。秦取晉北徵。卽此城。一統志。徵縣故城。在澄城縣西南。同州志。縣西南二十一里。

使爲商公。商州志。楚商邑。今商洛鎮。在州東八十五里。

渚宮 水經注、江陵縣城、楚船官地也。春秋之渚宮矣。紀要、今荊州府治、楚之渚宮地。

期思公 一統志、期思故城、在光州固始縣西北。彙纂云、西北七十里。

麋子逃歸 御覽、引潁容釋例曰、麋在當陽。方輿紀要、麋城、在安陸府當陽縣東南六十里。按尋十一年、錫穴之文、當在今鄖陽府界。御覽州郡部、又引十道志曰、鄖鄉縣本漢錫縣、古麋國也。紀要、錫城在鄖陽府西界、古麋國地。





# 春秋左氏傳地名補注卷第五

文公

〔經〕于承筐 水經注、襄陵縣西三十里有承筐城。方輿紀要、在歸德府睢州西三十里。

敗狄于鹹 鹹、卽桓七年之咸丘。山東通志、咸丘在曹州府鉅野縣南境。

〔傳〕于防渚 元和志、房州房陵縣。闕駟以爲防陵。卽春秋時防渚。州之得名自此。方輿紀要、房陵城。今鄖陽府房縣治。

錫穴 續志、漢中郡錫縣。地出錫。故以名縣。釋文、又作錫音羊。非也。一統志、錫縣故城在興安州白河縣東方輿紀要、錫義山在鄖陽府西北百八十里。

子駒之門 山東通志、魯郭門北面三門。最西爲子駒門。

周首之北門 山東通志、周首亭在泰安府東阿縣東北。

〔經〕楚人圍巢 一統志、居巢故城在廬州府巢縣東北五里。

戰于河曲 水道提綱、黃河又西南逕同州府朝邑縣新市鎮東。其東岸蒲州城也。又南至華陰縣東北。自歸化城西。河折而南行。至此計二千五百餘里。大河至此始折而東流。蒲州當大河西西南及南三面。

故曰河曲。

城諸及鄆。漢志琅邪郡有諸縣。又東莞縣。孟康曰。故鄆邑。水經注。京相璠曰。琅邪故幕縣南四十里。員亭。故魯鄆邑。非也。郡國志。東莞有鄆亭。今在團城東北四十里。猶謂之故東莞城。山東通志。諸邑在青州府諸城縣西南三十里。石屋山東北濰河之南。鄆亭城在沂州府沂水縣東北四十里。十三州記云。魯有東西二鄆。昭公所居爲西鄆。在東平。莒魯所爭者爲東鄆。卽此縣是也。

〔傳〕取羈馬。元和志。羈馬故城在同州郃陽縣東北二十六里。寰宇記。在蒲州河東縣城南三十六里。按在蒲州府南者是也。

<sup>十三</sup>〔經〕會公于棠。水經注。華水東逕棠城北。卽北林亭也。

〔傳〕處瑕以守桃林之塞。續志。河東解縣有瑕城。劉昭引前年入瑕傳。又于猗氏縣下引此年詹嘉處瑕傳。云在縣東北。皆非也。水經注。河水又東菑水注之。西北逕曲沃縣城南。春秋文公十三年。晉侯使詹嘉守桃林之塞。處此以備秦。時以曲沃之官守之。故曲沃之名。遂爲積古之傳。按僖三十年傳。許君焦瑕。杜預亦云。河外五城之二邑。史記魏世家。襄王五年。秦圍我焦曲沃。汲郡紀年。惠王後六年。秦歸我焦曲沃。傳以焦瑕。稱而後此。以焦曲沃。變稱。則曲沃卽瑕之變名。皆在弘農陝縣。于晉爲河外。而解與猗氏之瑕。非秦所侵。及詹嘉所處明矣。杜預注此。橫分瑕與桃林爲二處。顯然違傳。苟令賜采邑于晉。傳又何

云處瑕乎。元和志、桃林塞。自陝州靈寶縣以西至潼關皆是也。一統志、曲沃城在陝州西南四十二里。遷于繹。水經注、嶧山在鄒縣北。繹邑之所依以爲名也。山東通志、邾國在兗州府鄒縣西南。周武王封祝融之裔挾于邾。卽此也。邾城在縣東南二十五里。邾文公所遷。城周二十餘里。在嶧山之陽。寰宇記所云上冠峯巒。下屬谿壑。窮制國之勝景者也。俗誤爲紀王城。

<sup>十四</sup>年〔經〕同盟于新城。水經注、睢水又逕新城北。卽宋之新城亭也。方輿紀要、新城在歸德府城南。

<sup>十六</sup>年〔經〕盟于鄆丘。續志、宋公國。周名鄆丘。漢改爲新鄆。章帝徙宋公于此。江南通志、新鄆城在潁州

東八里有土阜屹然高大。謂之鄆城。彙纂以爲當在東阿縣境者。泥于杜預齊地之言也。

〔傳〕師于大林。御覽<sup>五十</sup>伍端休江陵記曰、城西北六十里有林。春秋師于大林卽此。彙纂云、荊門州

西北有長林城。

營枝。史記、蜀伐楚。取茲方。正義云、古今地名。荊州松滋縣。古鳩茲地。卽茲方。按營枝當是荊州府枝江

縣。

率百濮。濮卽棘也。爾雅釋地、南至于濮。鉛周書王會解、伊尹爲四方令曰、正南百濮。通典<sup>三</sup>諸濮之

域皆出楛矢。周書王會、卜人丹砂。注云、卜人西南之蠻。丹砂所出。今按卜人蓋濮人也。其文有尾濮。木綿

濮。文而濮。折腰濮。赤口濮。黑棘濮。

至于阜山 一統志阜山在鄖陽府房縣南一百五十里。

阪高 蓋卽當陽之長阪也。輿地紀勝長阪在荆門軍當陽縣東北二十里。

及庸方城 元和志方城山在房州竹山縣東南三十里。頂上平坦。四面險固。山南有城。周十餘里。一統

志方城亭在鄖陽府竹山縣東南方城山上。庸故城在縣東南四十里。本庸國。

魚人 方輿紀要魚復故城在夔州府奉節縣城東五里。

子貝自仞 一統志貓兒關在宜昌府興山縣西北百里。山路險峻。可達鄖襄。又縣東北二十里有箬葉

塢。塢長四十里。路徑險隘。行者聚衆乃入。亦出鄖襄間之間道也。又八里荒在縣東百里。路出鄖陽府保

康縣界兩邑間。林木深暗。路徑卑溼。

<sup>十七</sup>〔傳〕晉侯蒐于黃父 方輿紀要烏嶺在澤州沁水縣西北四十里。卽黃父。杜預曰。一名黑壤。宇文

周諱黑。改爲烏嶺。與平陽府翼城縣接界。

敗戎于邠垂 服云邠垂在高都南。水經注邠垂亭在高都城南七里。遺基存焉。一統志今在洛陽縣南。

宣公

<sup>元</sup>〔經〕于平州 一統志平州城在泰安府萊蕪縣西。通志云。今縣東北六十里有故城。名文字縣。疑卽

其址也。

于棐林 一統志、棐城在鄭州東南。方輿紀要、林鄉城在開封府新鄭縣東二十五里。春秋之棐林。侵崇。詩地理考、通典、崇國在京兆府鄠縣。帝王世紀、鯀封崇伯。國在豐鄗之間。周有崇國。晉趙穿侵崇。長安志、甘亭在鄠縣西南五里。殷爲崇國。

〔傳〕遇于北林 水經注、林亭南去新鄭縣故城四十許里。以南有林鄉亭。故杜預據是爲北林。

〔二〕〔經〕戰于大棘 續志、陳留己吾縣有大棘鄉。水經注、引陳留風俗傳曰、大棘鄉。故安平縣也。土人敦蠢。易以統制。其地爲楚所并。方輿紀要、大棘城在歸德府寧陵縣西南七十里。

〔傳〕遂自陰地 方輿紀要、陰地城在河南府盧氏縣東北。

從臺上彈人 元和志、晉靈公臺在絳州正平縣西北三十一里。

田于首山舍于翳桑 水經注、雷首山北去蒲坂三十里。一統志、雷首山在蒲州府永濟縣南四十五里。哺飢坂在絳州北六里。卽食翳桑餓人處。

〔三〕〔傳〕及邲 邲卽廩延。今滑縣。水經注、廩延邑下有延津。

定鼎于邲 邲 續志、河南縣東城門名鼎門。唐六典、東都城南面三門。中曰定鼎。韓愈送鄭十校理序、定鼎門外。一統志、邲邲陌在洛陽縣西。

〔四〕〔經〕平莒及邾 一統志、故邾國在沂州府邳城縣西南二十里。與江南邳州接界。通志、邾故城在今

縣北廢城。

〔傳〕轅陽而殺之。水經注、溲水北出大義山南。至厲鄉西。又南逕隨縣注安陸也。一統志、溲水在德安府隨州東北。魏志、賈逵傳、屯潦口。蓋其處也。又有潦河。一統志、源出南陽府西馬峙坪。南流至新野縣界。合湍水。紀要、潦河在南陽府鎮平縣東四十里。以下文烝野論之。此南陽潦河也。

遂處烝野。此卽南陽府之新野縣。方輿紀要、新野南至襄陽府一百十里。

師于漳澨。水經注、水出臨沮縣東荆山。今爲鄖陽府房縣之景山。在縣南稍西百三十里。東南過蓼亭。又東過章鄉南。方輿紀要、

漳水在安陸府當陽縣東北四十里。自南漳縣流入境。東南流經麥城。又南合于沮水。水道提綱、大江東

至荊州府治江陵縣西南境之澧口北。北岸有沮河。漳河北自古麥城合而南流注之。

戰于皋澨。水經注、沔水東逕萬山北。下水曲之隈。云漢女昔遊處也。張衡南都賦曰、遊女弄珠於漢皋

之曲。漢皋卽萬山之異名也。名勝志、萬山在襄陽府城西十里。

娶于邳。前志、江夏雲杜縣。應劭曰、若敖娶于邳。今邳亭是也。一統志、漢雲杜故城在安陸府沔陽州西

沔陽州今沔陽府北。漢陽府。郎城。今德安府安陸縣治。邳卽同。

夢中。元和志、雲夢澤在安州安陸縣南五十里。左傳、邳子之女棄子夢中。無雲字。云楚子濟江入雲中。

無夢字。以此推之。則雲夢二澤。本是別矣。水道提綱、雲夢跨江南北。蓋八九百里。今自枝江而東爲松滋。

東南爲公安。又東南爲石首。爲華容。濱江南岸多藪澤。卽古所謂江南之夢也。江南之夢。皆首受江水。支津成渠。游爲澤。南入洞庭。北

復入江。年六〔傳〕圍懷及邢丘。水經注引韓詩外傳曰。武王伐紂。到邢丘。更名曰懷。一統志。平臯故城。在懷慶府

溫縣東。卽古邢丘也。

年七〔經〕伐萊。元和志。故黃城。在登州黃縣東南二十五里。古萊子國。齊乘。萊子城。地名龍門。居山峽間。

擊石通道。極爲險隘。俗名萊子關。通志。萊子城。在縣東南二十里。

〔傳〕取向陰之禾。蓋西河茲氏縣地。方輿紀要。向陽水在汾州府西三十里。一名懸泉水。源出向陽峽

下流。合于原上水。今涸。

年八〔經〕至黃乃復。山東通志。黃城。在東昌府冠縣南。括地志。冠氏南有黃城。今有南黃城。卽杜預云。大

夫受命而出。雖死以尸將事。遂以疾還。非禮也。按以尸將事者。至彼國而死。則有以楸造朝。若未通命。不

幸有疾。將瀕于死。與其廢命失辭。不如還而擇堪其使者。于公私兩得也。君之視臣如腹心。豈要其死而

猶不相捨哉。

城平陽。漢志。泰山郡有東平陽縣。晉志作新泰。水經注云。河東有平陽。故此加東。晉武帝元康元年。改

爲新泰縣。元和志。晉武帝泰始中。鎮南將軍羊祜。此縣人也。表改爲新泰縣。與水經注言元康者異。一統

志平陽故城在泰安府新泰縣西北。然此所城未知其爲南平陽東平陽也。南平陽在兗州府鄒縣西。  
〔傳〕及滑汭。彙纂云滑水當在今江南廬州府東境。按傳云盟吳越。蓋今之丹陽湖。元和志丹陽湖在溧陽縣西南二十八里。與當塗縣今屬太平府分中流爲界。  
九〔經〕取根牟。一統志根牟城在沂州府沂水縣南。  
十〔傳〕逐楚師于潁北。彙纂云水經注潁水又逕陽翟縣故城北。陽翟今禹州。潁北當在禹州之北。按水道提綱潁水經禹州城北。又東南分爲二派。一東北流經新鄭縣南界。折而東南。此潁北者在新鄭縣之北也。

十一年〔經〕盟于辰陵。水經注洧水東南逕辰亭東。今此城在長平城西北。長平城在東南。杜氏之謬。一統志辰亭在陳州府淮寧縣西六十里。

于攢函。卽攢茅之邑。

〔傳〕城沂。彙纂云當在汝寧府真陽縣境。吳志孫討逆傳劉勳乃投西塞至沂。通鑑作流沂。一統志黃石城在武昌府武昌縣東二十里。一名流沂壘。

謂之夏州。楚策蘇秦說楚王曰東有夏州海陽。裴駟史記集解車胤字武子晉書有傳撰桓温集云夏口城上數里有夏州謂此也。一統志夏州在漢陽府漢陽縣北。



十二〔經〕戰于郟。水經注：扈亭水自亭東南流于濟。濟水于此。又兼郟目。春秋楚軍于郟。卽是水也。昔

卞釋文作扶必反京相璠曰：在敖北。元和志：郟城在鄭州管城縣東六里。按管城縣明初自爲鄭州治。

盟于清丘。水經注：瓠瀆又東南逕清丘北。京相璠曰：在今東郡濮陽縣東南三十里。一統志：清丘山在曹州府菏澤縣西南三十五里。清丘在大名府開州東南七十里。紀要云：丘高五尺。唐置清丘縣。

〔傳〕次于管。水經注：不家溝水自梅山北溪東北流逕管城西。故管國也。一統志：管城故城今鄭州治。敖郟之間。元和志：敖山在鄭州滎澤西十五里。春秋時晉師救鄭在敖郟之間。河陰縣志：敖山沿河入境約二里許。峯巒特起。兩岸壁立。中僅容輪蹕。蓋懷河之門戶也。

告唐惠侯。前志：南陽舂陵縣有上唐鄉。故唐國。一統志：故唐國在德安府隨州西北九十五里。唐侯國。遂次于衡雍。韓非子：莊王旣勝狩于河雍。卽衡雍也。釋水：水自河出爲澨。邵晉涵爾雅正義：楚莊之河雍。是萑蕩渠初出之澨也。水經注：河水又東逕卷縣北。晉軍爭濟。楚告河。卽是處也。方輿紀要：黃河在開封府原武縣北二十二里。楚莊所次。晉軍爭濟。皆是處也。按原武往日在河南。明天順中。河自武涉徙入原武。而原武遂在河北。黃河南去縣二十里。今屬懷慶府。

遂傅于蕭。傅：肉薄圍之也。墨子備蛾傅篇：禽子曰：敢問敵人強弱。遂以傅城。後上先斷。以爲法程。斬城爲基。掘下爲室。前止不止。華本改作上後射旣疾。爲之奈何。此傅城之事也。蛾同蝮。孫子謀攻：將不勝其忿而

蟻附之。

智井而拯之。元和志、智井在徐州蕭縣北二百步。方言、出休爲拊。

<sup>十四</sup>〔傳〕蒲胥之市。御覽<sup>一百一</sup>郡國志、郢城內有市名蒲胥。故南蠻校尉府一也。一統志、在荊州府江

陵縣北郢城內。

見晏桓子。山東通志、晏城在齊河縣西北二十五里。晏嬰采邑。

<sup>十五</sup>〔經〕赤狄潞氏。注云、潞氏國。此用公羊州不若國、國不若氏之語。疏謂其俗尚赤衣白衣。故有赤

白非也。赤狄白狄。猶紀年之赤夷白夷。今之花苗紅苗、黑獼獼白獼獼。各是其種類耳。一統志、潞縣故城

在潞安府潞城縣東北。

〔傳〕敗赤狄于曲梁。一統志、曲梁故城。今廣平府永平縣治。按劉昭注引上黨記曰、曲梁在潞城西十

里。今名石梁。然曲梁當近潞城。若廣平之曲梁。在山東。去潞遠矣。元和志、斷梁城在潞州銅鞮縣東北三

十里。下臨深壑。東西北三面阻澗。廣袤二里。俗謂之斷梁城。紀要、斷梁城在沁州東北。<sup>當作</sup>疑卽此曲梁

也。

次于輔氏。一統志、輔氏城在同州朝邑縣西北十三里。

治兵于稷。水經注、汾水又逕稷山。山東西二十里。南北三十里。西去介山十五里。山上有稷祠。下有稷

亭。春秋晉侯治兵于稷是也。方輿紀要、稷神山在絳州稷山縣南五十里。

立黎侯而還。一統志、黎侯城在潞安府長治縣西南。紀要在黎城縣東北十八里。

及雒。史記秦本紀、魏築長城自鄭濱洛。方輿紀要、洛水在同州朝邑縣南。宣十五年、晉侯及雒謂此。按

漢經師改洛爲雒也。

十六年〔經〕及留吁。一統志、純留故城在今潞安府屯留縣府。春秋赤狄留吁邑。

十七年〔經〕于斷道。傳云、盟于卷楚。斷道卷楚一地也。方輿紀要、卷城在開封府原武縣西北七里。

〔傳〕于野王。方輿紀要、野王城今懷慶府河內縣治。

十八年〔傳〕有蜀之沒。一統志、蜀亭今在泰安府泰安縣西。



# 春秋左氏傳地名補注卷第六

成公

元〔經〕于茅戎。方輿紀要、大陽津在陝州西北三里。黃河津濟之處。志云、津北對茅城。古茅邑也。按茅戎蓋西羌之入居中國者。鄭角弓箋、西夷別名。括地志、岷洮等州以西爲古羌國。以南爲古髡國。今疊宕以西、松當悉靜等州以南皆是。于今爲松潘廳及疊溪營地。茅髡同。

二〔經〕于新築。方輿紀要、葛築城在大名府魏縣西南二十里。趙成侯及魏惠王遇于葛築。卽此城。今其地又有築亭。顧棟高直以爲新築。按趙世家作葛孽。紀要又云、葛孽城在廣平府肥鄉縣西。寰宇記又作葛築。地與衛遠。

戰于鞏。名勝志、鞏城在平陰縣東。本通典之文。非也。傳有逐之三周華不注之文。鞏在濟南歷城明矣。沂水雜記云、沂水縣北一百里有將軍峴。峴西南有鞍山。亦非此鞍也。山東通志、鞍在歷城縣西北十里鞍山下。

盟于爰婁。一統志、爰婁在青州府臨淄縣西。

〔傳〕圍龍。水經注、汶水西南逕龍鄉故城。東一統志、在泰安府西南。通志、龍鄉城在泰安縣東五十里。

次于鞠居 續志注、引陳留志、封丘有鞠亭、古鞠居、封丘、今屬開封府。

于莘 衛之莘也、杜預謂齊地、非、今東昌府莘縣。

靡笄之下 齊乘、華不注山、亦名靡笄、方輿紀要、歷山、在濟南府南五里、或以爲卽靡笄山、靡與歷相近、通志、今名千佛山、在府南十里。

三周華不注 元和志、華不注山、在齊州歷城縣東北十五里、水經注、華不注山、單椒秀澤、不連丘陵、以自高、按此晉人所以得逐之三周也。

將及華泉 水經注、華不注山下有華泉。

徐關入 一統志、徐關、在濟南府淄川縣西、通志、在博山縣東境。

石窠 元和志、石窠故城、在齊州長清縣東三十里、通志、在濟南府長清縣南四十里。

入自丘輿 彙纂云、當在益都縣界、按沂州府費縣西有輿城、與司馬牛葬丘輿者同地。

擊馬陘 一統志、長峪、在青州府城西南、亦名馬陘、亦名弇中峪、亦名萊蕪谷、水經注、淄水逕萊蕪谷、又

北逕馬陵、俗名長谷道。

陽橋 方輿紀要、陽橋、在泰安州西北、陸澄曰、博縣有陽橋、蓋地名、無橋也。

公衡爲質 成公縱有子、尙幼小、不任爲質、蓋宣公之子也。

三〔經〕園棘 山東通志，棘亭在泰安府泰安縣西南境。水經注，汶水又西溝水注之。水出東北馬山。西

南流，逕棘亭南。春秋成公三年，園棘是也。按濁河之南有沙河，卽溝水也。以水驗之，棘亭當在縣境也。

四〔傳〕展陂 彙纂云，今在許州西北。

取汜祭 括地志，故祭城在鄭州管城縣東北十五里。

五〔經〕梁山崩 一統志，梁山在同州韓城縣西十九里，與郃陽縣接界。

于蟲牢 續志，封丘有桐牢亭，或曰古蟲牢。寰宇記，桐牢亭在開封府封丘縣北二里。一統志，今俗謂之

桐渦。

盟于垂棘 一統志，三垂山在潞安府潞城縣西南二十里，又有臺壁，在縣北，卽垂棘之誤。

六〔經〕取鄆 顧棟高云，在沂州府郯城縣東北。

〔傳〕蠻氏 一統志，蠻城在汝州西南。

謀去故絳 一統志，翼城故城在平陽府翼城縣東南三十五里，晉故絳都。

郇瑕氏之地 一統志，郇城在蒲州府臨晉縣東北十五里，瑕城在縣東南。

不如新田 一統志，絳邑故城在平陽府曲沃縣西南，晉新田地。

有汾澮 一統志，汾河在平陽府曲沃縣西三十五里，經絳州城南，逕州東，折而西，入稷山縣界。西至河

津縣南入河。澮水源出平陽府翼城縣東南澮山下。西經縣南。又西經絳縣。流經曲沃縣南。又西入絳州界。水經注：新田卽絳陽。蓋在絳澮之陽。方輿紀要：絳水在絳縣西北二十五里。

遇于繞角。方輿紀要：繞角城在汝州魯山縣東南。

禦諸桑隧。一統志：桑里亭在汝寧府確山縣東。

年〔經〕于馬陵。一統志：馬陵故城在大名府元城縣東南。隋開皇六年置馬陵縣。

吳入州來。方輿紀要：下蔡城在壽州北三十里。古州來也。鳳臺縣志：州來卽今下蔡鎮。

〔傳〕取于中呂以爲賞田。漢志：南陽宛縣。申伯國。詩地理考：史記正義引括地志云：故呂城在鄧州南。

陽縣西。水經注亦謂宛西呂城。四岳受封。申呂皆漢之宛縣也。按續志：汝南新蔡有大呂亭。注引地道記曰：故呂侯國。水經注：新蔡縣東青陂之東對大呂亭。西南有小呂亭。方輿紀要：在汝寧府新蔡縣北。

與渠丘公。續志：北海安丘縣有渠丘亭。山東通志：渠丘亭在青州府安丘縣印臺之上。一里。按莒國不

在北海。巫臣自晉亦當道出琅邪。不由北海。續志誤也。一統志：渠丘里在沂州府莒州北。

年〔經〕城中城。一統志：中城在海州沭陽縣西。按厚丘城在沭陽縣北四十六里。續志：東海厚丘縣下

劉昭引杜預注是杜本作厚丘。刊本誤爲廩丘。一統志及山東通志：曹州府古蹟。並引此中城卽承此注。

廩丘之誤。王頌蔚案：南宋小字

廩丘之誤。王頌蔚案：南宋小字  
本集解·正作厚丘·



〔傳〕執諸銅鞮 一統志、銅鞮故城在沁州南。

十〔經〕盟于脩澤 水經注、北濟自滎澤東逕滎陽卷縣之武脩亭南、春秋之原圃也。按水經注引杜預

此注亦作武脩。一統志、武脩亭在懷慶府原武縣東、亦名脩魚。

十一〔傳〕爭鄆田 一統志、鄆人亭在懷慶府武陟縣西南十五里。

十二〔經〕于瑣澤 方輿紀要、瑣侯亭在開封府新鄭縣苑陵城西、亦曰瑣澤。按此役也。先與楚盟于宋、

而後以楚成告于諸侯、遂爲此會。不書鄭者、瑣澤鄭地、地主在焉、可知也。

十三〔傳〕伐我涑川 元和城、涑川在陝州夏縣今屬解州北四十里、川東西三十里、南北七里。一統志、涑水

源出絳州絳縣陳邨峪、伏流至柳莊復出、西入聞喜縣界、逕南門外、又西南入解州夏縣北、逕縣西三十

里、又西南經安邑縣解州北、猗氏臨晉南、曰涑水河、又西南逕蒲州府南境、西入黃河、方輿紀要、涑水城

在蒲州東北二十六里。

焚我箕部 方輿紀要、箕山在解州平陸縣東北九十里、部城在太原府祁縣西七里、左傳焚我箕部謂

此部城恐誤。按魏收地形志、平陽郡禽昌縣有郭城、郭蓋部之誤也。郭城在平陽府浮山縣西南十里。

戰于麻隧 一統志、麻隧在西安府涇陽縣北。

及侯麗 劉伯莊曰、侯麗在今涇陽縣境。

十四年〔傳〕苦成叔 潛夫論、志氏姓、祁鱣食采于苦、號苦成叔、路史國名紀、解州有苦城、按苦與鹽同聲。  
十五年〔經〕于鍾離 一統志、鍾離故城在鳳陽府鳳陽縣東、舊有東西二城、濠水流于其中。

許遷于葉 一統志、故城在南陽府葉縣南三十里、舊縣鎮。

〔傳〕及暴隧 彙纂、路史云、暴辛、采邑、一曰暴隧、蓋周圻內之邑、而時爲鄭所有也。

十六年〔經〕鄆陵 方輿紀要、鄆陵舊城在開封府鄆陵縣西北四十里。

于沙隨 水經注、汜水東逕寧陵縣之沙陽亭北、故沙隨國矣、方輿紀要、沙隨城在歸德府寧陵縣北六里。

〔傳〕敗諸洧陵 元和志、洧陵在宋州今歸德府寧陵縣南二十五里。

至于鳴雁 水經注、汜水逕小黃縣故城南、又東逕鳴雁亭、春秋衛伐鄭、至于鳴雁者也、今俗人尙謂之白雁亭、一統志、鳴雁亭在開封府杞縣北四十里。

楚師還及瑕 水經注、此肥水東積爲陂、謂之瑕陂、東南逕瑕城南、左傳楚師還及瑕、卽此城也、一統志、瑕城在潁州府蒙城而東北。

至于鳴鹿 明一統志、鹿邑故城在今歸德府鹿邑縣西六十里、寰宇記、鹿邑城在縣西十三里、鳴鹿臺在縣城內。

公還待于鄆。水經注：瓠河又東逕鄆縣南。京相璠曰：公羊作運字。今東郡廩丘縣東北八十里有故鄆城。山東通志：西鄆在曹州府鄆城縣東南境。鄆城故城在縣東南十三里。元魏析廩丘置鄆城縣。  
十七年〔經〕于柯陵。方輿紀要：柯城在大名府內黃縣東北。內黃今屬彰德府。

〔傳〕侵晉虛滑。高士奇曰：河南府偃師縣東南有虛城。

至于高氏。一統志：高氏亭在許州府禹州西南。

自戲童至于曲洧。方輿紀要：新汲故城在開封府洧川縣南。春秋時曲洧也。彙纂：戲童襄九年諸侯盟于戲。卽此也。水經注：汜水出浮戲之山。在開封府汜水縣南四十九里。

匡句須吉。風俗通：匡、魯、句、須爲之宰。其後氏焉。

夢涉洹。水經注：洹水出洹山。山在長子縣。逕內黃縣東流。注于白溝。方輿紀要：安陽河在彰德府北四里。本名洹水。出林縣西北。廬山中。東流經府境。又經臨漳縣西南。達直隸成安縣界。至內黃縣界永和鎮。入衛水。水道提綱：衛河逕彰德府治安陽縣東南。有洹河自西北來會。其南岸卽直隸內黃縣西境也。  
按內黃今屬彰德

帥師圍廬。山東通志：廬城在濟南府長清縣西南六十里。漢置縣。寰宇記云：廬城在縣南五十里。是時長清尙未徙刺榆也。邑志謂廬城去縣十五里。蓋誤以爲長清故縣爲廬城耳。長清故城在縣西南十餘

里。宋至道二年徙刺榆店。卽今治也。

待命于清。一統志。清縣故城。在東昌府堂邑縣東南。通志。縣東南三十里。續漢志。東郡樂平故清。章帝更名。晉志。屬陽平郡。

圍巢。江南通志。居巢城。在廬州府巢縣治東北五里。

十八年。〔經〕復入于彭城。今徐州府銅山縣治。

于虛杙。元和志。兗州泗水縣。漢卞縣之地。卽春秋之虛杙也。通志。虛杙卽今泗水縣治。

〔傳〕葬之于翼東門之外。寰宇記。厲公墓。在晉州翼城縣界南十六里。高一丈六尺。

襄公

元年。〔經〕次于鄆。一統志。鄆城。在歸德府柘城縣北方。輿紀要。在睢州東南。皆本杜預注。按傳所言。疑是

鄆國也。

〔傳〕真諸瓠丘。一統志。陽壺城。在絳州垣曲縣南一里。注云。東垣縣。按漢晉志。河東之垣縣。皆無東字。東垣乃是真定也。續志。垣縣有壺丘亭。

侵宋呂留。江南通志。呂城。在徐州東五十里。留城。在徐州沛縣東南五十里。

取大丘。一統志。大丘故城。在歸德府永城縣西北三十里。漢志。應劭以爲卽大丘。水經注。太丘故敬丘。

明帝更從今名。顧祖禹曰：杜預疑其遠。按是時楚方侵宋，呂留、鄭服楚，蓋爲楚取也。

二〔傳〕城東陽以偪之。山東通志：東陽城在青州府臨朐縣境，一名瓦城。紀要在臨朐縣東。

三〔經〕盟于雞澤。元和志：雞澤在洺州永平縣西面十里。其澤魚鼈菱芡。州境所資。一統志：會盟臺在

廣平府雞澤縣東南二十里。卽諸侯同盟雞澤處。遺址尙存。

〔傳〕克鳩茲。一統志：鳩茲邑在太平府蕪湖縣東四十里。

至于衡山。杜預云：衡山在吳興烏程縣南。一統圖：烏程在吳都西南。子重不能越吳而至彼，就令別道。

從廣德州趨獨松關，亦非楚客軍所能深入。劉昭注引或說：在丹陽縣之橫山。當是祝穆方輿勝覽：橫山

在太平州當塗縣界北六十里。建康志：橫山在江寧縣東南百二十里。接太平州界。周八十里，高二百丈。

其山四面望之皆衡，故又名衡望山。一統志：山在溧水縣西三十里。周百里。跨上元縣及太平府當塗縣

界。按方輿紀要：廣德州又有橫山。在州西五里。或楚兵由此歟。

盟于邳外。水經注：時卽邳水也。音而襄三年盟于邳者也。

四〔傳〕猶在繁陽。續志：汝南新鄆縣有繁陽亭。一統志：繁陽亭在新寧府新蔡縣境。

于蒲圃。一統志：蒲圃在曲阜縣境。

無終子嘉父。一統志：無終故城，今順天府薊州治。

后羿自鉏 續志、東郡濮陽有鉏城。一統志、在衛輝府滑縣東。紀要云、縣東十五里。

遷于窮石 路史國名紀、今壽之安豐有窮谷。窮水、卽窮石。今在六安州吳山縣境故記皆謂刪丹、蓋以淮南子弱水

出窮石山、在張掖刪丹。今甘州府山丹縣似太遼隔。欽韓按水經注、大河故瀆、西流經平原高縣故城西、故有窮后

羿國也。閻若璩已辨其非是。考紀年、太康元年、羿入居斟鄩、則斟鄩卽窮石也。山東通志、斟亭、在萊州府

濰縣西南五十里。舊志以爲斟鄩國。

伯明后寒 通志、寒亭、在萊州府濰縣東北三十里。趙汭曰、伯明君此寒國。

有高氏 應劭曰、高、偃姓。咎繇後、山東通志、高城、在濟南府德平縣東南三十里。在南津河左。

滅斟灌及斟尋氏 紀年、帝相二十六年、寒浞使其子澆、帥師滅斟灌。二十七年、澆與斟鄩大戰于濰。覆

其舟、滅之。齊乘、斟灌城、在益都府壽光縣東四十里。今爲斟灌店。通志云、寰宇記、斟灌城、亦名東壽光。按

水經注、堯水東北逕東西壽光二城間、則此爲東矣。

處澆于過 通志、過亭、在萊州府掖縣北境。

處豷于戈 卽哀十二年宋鄭之間隙地曰戈。

敗于狐貍 一統志、狐貍山、在兗州府滕縣東南二十里。通志、目台亭、在縣東南十五里。

五〔經〕會吳于善道 范寧注、吳地。阮勝之南兗州記云、盱眙、本吳善道地。一統志、盱眙故城、在泗州盱

胎縣東北。吳善道邑。

會于城棣。水經注、濮水故瀆。東北逕南北二棣城間。襄五年會于城棣者也。元和志、南棣北棣二城。在鄭州陽武縣北十里。

